

O LLELANG? BOLELA!

 Morena a le šegofatše! A re nong go fela re eme nakwana, ge re inamiša dihlogo tša rena. A go ne kgopelo ya go ikgetha? Ge o ka rata, a nke go tsebje ge o emišetša diatla tša gago go Modimo le go re, ka seo, “Morena, O tseba tlhoko ya ka.”

² Tate wa Legodimong, ka nnete re ba—ba batho ba go ba le monyetla mosong wo, go kgobokanywa ka ntlong ya Modimo, ge re tseba gore go na le ba bantsi bao ba bego ba tla nyaka go ba ka ntlong ya Modimo mosong wo, gomme o ka dipetlele le godimo ga mepete ya bolwetši. Gomme Wena o re file monyetla wo go ba ntle mo lehono. Gomme ga se ra ke ra tla, Morena, go bonwa seng sa rena, le ge re rata kopanelo ya rena seng; eupša re ka kgona go dira seo magaeng a rena. Eupša re tlide mo go kopanelo le Yena Yo a re tlišitšego mmogo bjalo ka bana ba go ratega le baena.

³ Re a Go leboga bjale. Gomme tsela e nnoši ye re tsebago go kopanelo ka go nepagala le Wena ke go dikologa Lentšu la Gago. Lentšu la Gago ke Therešo. Re kgobokana mo bakeng sa maatla a semoya. Re a hloka, Morena. Re swanetše go ba le maatla go kgotlelola difapano tše re di rwelego. Gomme re a rapela gore O tla romela Moya wo Mokgethwa wo mogolo lehono, gomme o tla re maatlatfatsa bohole. Efa dikgopelo tša batho ba Gago bjalo ka ge ba kgobokane le go phagamišetša diatla tša bona go Wena, gore ba hloka dilo tše bjalo. Araba yo mongwe le yo mongwe, Morena.

⁴ Re a Go leboga go bolokeng bophelo bja Kgaetšedi wa rena Ungren bošegong bja go feta, ka kotsing mo tseleng godimo fa. Wena o bile mogau go bona, Morena, gomme re leboga Wena bakeng sa seo. Gomme bjale re a rapela, Tate wa Magodimong, gore O tla tšwelapele go ba le rena le go re thuša ge re sepela, yo mongwe le yo mongwe wa rena. Re fe maatla a Gago a go bofa go tiiša le tu—tu tumelo ya go tseba gore Bogona bja Gago bja go se tsoge bja palelwabotla ba le rena. Ka go iri yela ge re sa kgone go ithuša renabeng, re a tseba “Barongwa ba Modimo ba bokanetše bale ba Mmoifago, gomme Ba tla re kukela godimo nako e ka ba efe gore leoto la rena le se thitšwe kgahlanong le letlapa.” Gomme re a rapela bjale gore O tla re fa tša ditšhegofatšo tša Gago bakeng sa Lentšu, le go bolela ka rena, le ka go rena, ka go la Jesu Kriste Leina. Amene.

⁵ Ke leboga kudu gore phadimo ya letšatši la ka ntle, tshedišotšatš, e hlabilo. Go be go befile kudu mosong wo. Gomme ke a nagana, ka go naga ye, gagolo, re na le leutu le lentši, boso bja go lapa. Gomme go bona letšatši le phadima, le etla ntle, ke mo gobotse kudu.

⁶ Kopanogape ye nnyane ya lapa lehono, ke kopana le banešu, gomme ba godimo ntlong ya kgaetsedi wa ka, le ba bangwe ba leloko la rena tikologong ya toropokgolo le go rarela tikologong. Go na le sehlopha se segolo sa ba ga Branham. Ge bohle ba ka tla mmogo go tšwa Kentucky, ka mo, ke a thanka re tla swanelwa ke go hira toropokgolo; go na le ba bantši ba bona. Eupša feela go tla gae go gonyane. Bohle re be re tlwaetše go kopana ntlong ya mama, gomme o be a le kota ya kgale ya go tlemelela ye e re swerego mmogo, mohuta wa. Eupša Modimo o tšere kota ya go tlemelela go ya Legodimong, gomme ke a holofela gore bohle re tla kopana kua letšatši le lengwe.

⁷ Gomme bjale ke boletše letšatši le lengwe, ke rile, “Le a tseba, ke a dumela gore ke tla—tla ripa melaetša ya ka ya Lamorena go theogela go e ka ba metsotso ye masomepedi, le—le, goba masometharo, gomme morago ra rapelela balwetši.” Gomme ke naganne ka seo mosong wo.

⁸ Gomme ka gopola bošego bja go feta, ge Kgaetsedi Downing a nteleditše gomme a bolela seo, o leleditše Billy gomme o boletše gore yena le Kgaetsedi Ungren tseleng ya bona go rotoga, ba bile le go thelela go putla tsela gomme ba bile le go thula. Gomme ge Billy a be a sa le lefastereng, mmogo, ga ke tsebe e be e le nako mang; mohlomongwe mosong wo, nako ye nngwe. Ke be ke robetše lebakana le lennyane kudu. Ke ile ka lebelela fase ga Ngwanešu Wood, mabone a be a timile. Gomme ke ile ka no khunama go rapela, gomme ge ke dirile, Sengwe se nno re go nna, “Go lokile.” Kafao nako yeo ke boditše Billy, “Mmotše, ‘Se sengwe le se sengwe,’ ke naganne, ‘se tla loka.’” Ke thabile kudu go ba bona ka gare mosong wo, gomme ba dutše ka ntlong ya Morena, morago mo ka morago ga tsela.

⁹ Batho ba ba go ratago kudu, go tla makgolo a dimaele go kwa Ebangedi, ka gona ka gopola, “Molaetša wa metsotso ye masomepedi, gomme ka go nokologa ka mo ke lego, ba ka se loke.” Kafao ke naganne ke tla no . . . botelele bjoo.

¹⁰ Kafao gona, go kwa Ngwanešu Ungren, morwa wa gagwe, mosong wo, a opela, “O Yo Mogolo Gakaakang.” O . . . O ra bontši go yena mosong wo go feta go dirile maabane morago ga sekalela, gobane Modimo yo mogolo wa Legodimo o bolokile wa gagwe yo bohlokwa, mme morategi le kgaetsedi.

¹¹ Bjale, lehono, re letetše nako ye kgolo ka go Morena. Gomme ke bile le dihlogo tše pedi goba tše tharo tša go fapano mo tše ke bego ke di lebeletše, gomme ga se, ga se ke kgone go nagantshiša feela ke sefe ke bego ke tla bolela ka sona mosong wo. Se sengwe sa tšona e be e le, “Lahlelang matshwenyego a lena go Yena, ka gore O tshwenyega ka lena. Bjale, ge A tshwenyega, gonganeng le sa?”

¹² Kafao gona se sengwe, Billy Paul, goba e sego Billy Paul . . . Morwa wa ka yo mongwe, Joseph, o ntlišeditše sehlogo se nako

ye telele ya go feta. O be a dutše ka kamoreng letšatši le lengwe, gomme o rile, a lebeletše godimo go lebanya seswantšho, gomme Billy . . . Goba, Joseph o rata dikepe kudu, go swana le bašemane ba bannyane; dikepe le dipere, le a tseba. Gomme a re go nna, “Tate, a Jesu o be a na le sekepe?”

Gomme ka re, “Ga ke tsebe.”

¹³ Kafao gona morago ga ge a emeletše le go ya ntle, ke diregile go nagana, “A O be a ne sekepe?” Gomme ke tšere sehlogo go tšwa go seo, gomme ka no se maraka fase fa mo pukung ya ka, “A Jesu o be a ne sekepe?” Gomme ke diragetše go nagana, “Ge A be a le mo lefaseng, O ile a swanelwa ke go adingwa popelo go tswalelwka go yona, lebitla go bolokwa ka gare, sekepe go rera go tšwa go sona, eupša Ke Mofofiši wa sekepe sa kgale sa Tsione.” Nnete, O dirile. Eupša, gomme dihlogo tšela tšeо ke bego ke di nagana, ke nagana mohlomongwe nka di tsea moragwana, pele re tloga go ya morago.

¹⁴ Le a tseba, ke rata go bolela go tšwa tabarenekeleng mo, gobane ke kereke ya rena beng. Re ikwela go lokologa go bolela e ka ba eng Moya wo Mokgethwa o e bolelago. Ka mafelong a mangwe, le ge monna a nyaka go go dira o amogelege, o ikwela mohuta wo monnyane o pitlagane ka baka la gore—gore o ka kerekeng ya yo mongwe gape, gomme o nyaka go ba mokgomana go lekanelo go hlompha dikgopolo tša bona—tša bona le thuto ya bona.

¹⁵ Re bile le nako ya go makatša beke ye tlase go lefelo la Ngwanešu Burcham fale. Gomme ke ile ka go fektori moo ba dirilego tšhese. Ke a bona yena le mosadimogatša wa gagwe, le morwa le bona, ba gona mosong wo. Gomme ka mehla ke be ke gopola gore fektori ya tšhese e tla ba selo se sengwe sa go swana le mafelo a mangwe ao ke bego ke le ka go wona, oo, mohuta wa tlhakgathlhakga le ditšhila. Nna, nka kgona go bolela selo se tee, o ka kgona ka nnete go khutša netefalong gore lefelo leo ga se la tšhila. Leo e be e le lefelo la go hlwekahhlweki nkilego ka ya ka go lona, gomme gagolo ka go fektori. Gomme ga se ke lemoge. Ke naganne, “Oo, mohlomongwe ba tla dira tšhese ya diponto tše lekgolo ka letšatši.” Gomme ba dira ditone tše tshela letšatši le lengwe le le lengwe, gomme tše tharo tša difektori di a ya. Ka gopola, “Oo, nna, ke mang yo a jago tšhese yela yohle?”

¹⁶ Eupša Morena o šegofaditše monna yo. Ke bile le monyetla wa go ba ka legaeng la gagwe, legae la go ratega kudu, mosadimogatša yo mokaone wa go ikgafa. Gomme ga go lebaka gobaneng ba se ba swanela go phlela Kriste letšatši le lengwe le le lengwe, bjalo ka ge ba dira. Ke kopane le barwa ba gagwe, gomme ke bana ba bakaone kudu. Re thabetše kopanelo ye kudu yeo re nago le yona yo motee le yo mongwe.

¹⁷ Ke hweditše modiša wa bona wa pele e be e le mo—mo monna yo ke mo tsebago, Ngwanešu Gurley, monna yo mokaone

kudu wa tumelo ya United Pentecostal, yo ke kopanego le yena mengwaga ya go feta, Jonesboro, Arkansas. Gomme ke be ke sa tsebe gore ba be . . . yoo e be e le modiša wa gagwe, go le bjalo.

¹⁸ Bjale elelwang ditirelo mantšiboeng a. Gomme gona, Morena ge a rata, Lamorena la go latela gape re holofela go bolela. Gomme ka gona ke a nagana Lamorena la go latela ka gona ke swanetše go ya Chicago. Ka gona ke tla be ke sepetše lebakana, Ke swanetše go tšeela lapa morago gae, morago, goba morago Arizona gore ba, bana, ba kgone go ngwadiša sekolong gape. Gomme ka gona re tlogela go tshwenya modiša, go tšeа ditirelo tša gagwe.

¹⁹ Kafao, kafao re thabetše Ngwanešu Neville kudu bakeng sa tlhokomelo ya gagwe, le a tseba, ya—ya go ntaletša. Gomme o bjalo, aowa . . . Ke rata, ngwanešu, monna boka yola, moo go sego bomenetsa, ga go na boikholo, e no ba Bokriste bja mmapale. Ke rata seo.

²⁰ Bjale re ya go bala a mangwe a Lengwalo gomme morago re fetiše ditshwayo. Gomme ga ke tsebe feelsa ke nako mang yeo re tla tšwelago ntle, go Melaetsa ye metelele ye, eupša ke a nagana . . . Ke be ke bolela letšatši le lengwe ka go bolela botelele kudu, gomme yo mongwe o rile, “Gabotse, bjale, ge o—ge o nno bolela metsotso e se mekae; gomme o bolela mohuta wa diphiri, go le bjalo,” o rile, “re—re ka se tsoge ra kgona go e kwešiša.” O rile, “E no tšwelapele bolela, gomme morago ga lebakana e tla ntle,” o boletše. Kafao mohlomongwe Morena o nyaka re e dira ka tsela yeo.

A re nong go inama gape.

²¹ Morena, Lentšu la Gago le dutše go bulega godimo ga phuluphithi, le go lemoga gore letšatši le lengwe Le tla tswalelwla lekga la mafelelo la Lona, gona Lentšu le tla ba nama. Gomme ka gona re—re thabetše nako ye mosong wo. Gomme re bulele, ka Moya wo Mokgethwa wa Gago, diteng tša Lentšu le re tla le balago. A nke Moya wo Mokgethwa o re rute lehono dilo tše re swanetšego go di tseba. Gomme a nke ka gona rena, ka go retologa, re theetše sekgauswi go Lentšu le lengwe le le lengwe, re Le kale ka go teba. Gomme ka gona a nke bao ba theeditšego ka tsela ya theipi, a nke ba theetše sekgauswi. Gomme a nke re kgone go swara se Moya wo Mokgethwa o lekago go se utolla go rena. Ka gore re a lemoga, ge A ka re tlotša, gona tlotšo ga se ya lefeela. Ke bakeng sa morero, gore e ke e šome go bo bobotse, go Morena. Gomme a nke dipelo tša rena le kwešišo di bulege, Morena.

²² A nke re be le tokologo go bolela, le tokologo go kwa, le go fihlelela go tumelo, go dumela se re se kwelego, ge se etla go tšwa go Lentšu la Modimo; gore go tle go balelwgo rena, Bophelo bjo Bosafelego, ka go Letšatši le legolo le le tlagoo. Re šegofatše lehono. Re sole ge re le phošo. A nke re tsebe diphošo tše re nago

natšo. Gomme re šegofatše ka tsela yeo e lokilego, gore re ke re tsebe ke tsela efe go ya, le mokgwa wa go itshwara ka go lefase le la bjale; gore re ke re tliše tlhompho, ka go pheleng ga rena fa, go Jesu Kriste, Yo a hwilego go re fa Bophelo ka go morago ga fa go gogolo. Re kgopela se ka go Leina la Jesu. Amene.

²³ Bjale ke nyaka go bala feela go tšwa mafelong a mabedi go tšwa Mangwalong, mosong wo. Gomme le tee la wona le no hwetšwa godimo ka go Puku ya Ekisodo. Gabotse, bobedi bja wona a tšwa go Puku ya Ekisodo. Le tee, tema ya 13, gomme temana ya 21 le ya 22. Gomme la go latela ke tema ya 14, ya 10, ya 11 le ya 12 ditemana. Bjale ke tla bala go tšwa go Ekisodo 13:21.

Gomme MORENA o ile pele ga bona mosegare ka pilareng ya lero, go ba etapele tseleng; gomme bošego... pilara ya mollo, go ba fa seetša; go sepela mosegare le bošego:

Ga se A tloša pilara ya lero mosegare, goba pilara ya mollo bošego, go tloga pele ga batho.

²⁴ Bjale ka go Ekisodo 14, gomme temana ya 10:

Gomme ge Farao a batamela kgauswi, bana ba Israele ba phagamišitše mahlo a bona, gomme, bonang, Baegepete ba matšišitše ka morago ga bona; gomme ba be ba tšhogile kudu: gomme bana ba Israele ba lletše go MORENA.

Gomme ka gona ba rile... Moshe, Gobane kua... (kgopela tshwarelo).

Gomme ba rile go Moshe, Gobane go be go se mabitla ka Egepete, a o re tšere go ya kgole go hwa ka lešokeng? kagona o dirile bjalo le rena, go re rwalela pele go tšwa Egepete?

A le ga se lentšu le re go boditšego ka Egepete, go re, Re tlogelre nnoši, gore re ke re direle Baegepete? Ka gore go ka be go bile bokaonana go rena go direla Baegepete, go feta gore re swanetše go hwa ka lešokeng.

²⁵ Ke ya go bala ditemana di se kae gape:

Gomme Moshe o rile go batho, Boifeng... le se,...

Bjale theetšang sekgauswi fa.

... Moshe o rile go batho, Le se ke la boifa, šišimalang, gomme le bone phološo ya MORENA, ye a tla e laetšago... lena lehono: gobane Baegepete ba le ba bonego lehono, le ka se sa ba bona gape neng le neng.

MORENA o tla le lwela, gomme le tla homola... MORENA o rile go Moshe, Kagona o reng o llela go nna? bolela le bana ba Israele, gore ba ye pele:

Eupša emišetša lepara la gago godimo, gomme o otlollele seatla sa gago godimo ga lewatle, gomme o le

aroganye: gomme bana ba Israele ba tla sepela mobung wa go oma go kgabola bogare bja lewatle.

Gomme Nna, bona, Ke tla thatafatša pelo ya Baegepeta, gore ba tla ba latela: gomme Ke tla ikhweletša tlhompho go Farao, le godimo ga ohle makoko a gagwe, le godimo ga dikoloi tša gagwe, le godimo ga banna ba gagwe ba dipere.

Gomme Baegepeta ba tla tseba gore Ke nna MORENA, ge Ke ikhweleditše tlhompho godimo ga Farao, le godimo ga dikoloi tša gagwe, le godimo ga banna ba gagwe ba dipere.

Gomme morongwa wa Modimo, yo a ilego pele ga kampa ya Israele, a tloga le go ya ka morago ga bona; gomme pilara ya leri e ile... pele ga sefahlego sa bona, gomme ya ema ka morago ga bona:

Gomme e bile gare ga kampa ya Baegepeta le kampa ya Israele; ... e be e le leri la leswiswi go bona, eupša le file seetsa bošego go ba: gore yo motee a se tle kgauswi le yo mongwe bošego bjohle.

Gomme Moshe o otlolletše seatla sa gagwe godimo ga lewatle; gomme MORENA o dirile lewatle go boela morago ka phefo ye maatla bošego bjola bjohle, le go dira lewatle naga ya go oma, gomme meetse a be a arogane.

Gomme bana ba Israele ba ile ka gare ga lewatle godimo ga mobu wa go oma: gomme meetse a be a leboto go bona ka seatleng se setona, le go sa nngele.

Gomme Baegepeta ba hlomere, gomme ba ile ka gare ka morago ga bona ka bogareng bja lewatle, ebole le dipere tšohle tša Farao, dikoloi tša gagwe, le banna ba gagwe ba dipere.

Gomme go diregile, gore mo mosong tišong MORENA o lebeletše tlase go madira a Baegepeta go kgabola pilara ya mollo le... leri, le go madira a go ba bothateng a Baegepeta,

Gomme a tomola mabili a dikoloi tša bona, gore ba di ottele ka boima: gore Baegepeta ba be ba re, A re tšhabeng go tloga sefahlegong sa Israele; ka gore MORENA o a ba lwela gomme o kgahlanong le Baegepeta.

²⁶ Lentšu la Morena ke le legolo kudu, le lebotse kudu, go no se be tsela go ema go Le bala. Le no ba Bophelo, ge re Le bala. Ke a nagana, ka go sehlogo se mosong wo, le ge se gatišwa, ke nyaka go bolela se mo mathomong, se a hwetša, ke ikhwetša nnamong. Gomme lebaka leo ke... Maabane, ge ke ithuta, gomme ke tlile godimo ga thuto ye, gomme ka gona ka gopola, “Ke no ya, ge Morena a rata, go bolela godimo ga yeo, ka gore e nkgapela fase.” Gomme ke a holofela e re gapela fase bohole, gore re ke re bone, le

go re dira re lebelele godimo; le go ithuta gannyane ga nthathana, go bapetša letšatši le le bego le le nako yeo, le... go letšatši le le lego bjale.

²⁷ Ke nyaka go tše mantšu a mararo bakeng sa sehlogo, gomme seo ke: *O Llelang? Bolela!* Modimo o rile go Moshe, fa ka go temana ya 15, “Gobaneng o llela go Nna? Bolela le batho, gore ba ye pele.” Gomme: *O Llelang? Bolela!*

²⁸ Bjale, re ne thuto ka kgontha, gomme ke tla leka go hlaganel ka pela ka mo go kgonegago, ge Moya wo Mokgethwa o hlaha. Gomme ke nyaka go nagana ka... ka sehlogo se, sa Moshe a goeletša ntle go Modimo, mo nakong ya bothata; gomme Modimo a kgala Moshe morago, thwi ge bothata bo be bo le ka go—ka go sebaka. Gomme e no ba tlhago, e bonala e ke, go motho go goeletša. Gomme ka gona a kga—kga kgalemo ye e lego yona go Modimo go retologa go dikologa le go mo kgalema bakeng sa go e bolela, bakeng sa go llela go Yena. Go lebega o ka re ke selo se sethata kudu.

²⁹ Makga a mantši ge re lebelela Mangwalo, ka tsela ya rena beng ya go lebelela, go bonala go le bothata kudu. Eupša ge re ithuta Lona nakwana ye nnyane, re hwetsa gore Modimo yo bohlale bjomble o tseba feela se A se dirago. Gomme O tseba mokgwa wa go dira dilo tše le mokgwa wa go šoma le motho. O tseba se se lego ka go motho. O—O a mo tseba. Ga re dire. Re tseba feela go tšwa lehlakoreng la bohlale. O tseba se ka kgontha se lego ka go motho.

³⁰ Moshe o tswetšwe ka lefaseng le, gomme mošemané yo a filwego. O tswaletšwe go ba moprefeta, mohlakodiši. O tswetšwe le sedirišwa se se tswetšwego ka go yena, bjalo ka motho yo mongwe le yo mongwe yo a tlago ka lefaseng o tswalwa le sedirišwa se, bjalo ka ge ke dumela ka maatla ka go—ka go tsebelopele ya Modimo, kgethelopele.

³¹ “E sego gore Modimo o a rata gore e ka ba mang a lahlege, eupša bohole ba ka tla tshokologong.” Eupša, go beng Modimo, O be a swanetše go tseba, gomme o tseba, “bofelo go tloga mathomong.” Le a bona? Ge A sa dire, gona ga se Yena mohlokamagomo; gomme ge A se mohlokamagomo, Yena ga se Modimo. Kafao O be a sa rate, ka kgontha, gore e ka ba mang a lahlege, eupša O—O tsebile ke mang a tla senyegago le ke mang a ka se senyegego. Leo ke lebaka, wona morero woo Jesu a tlilego lefaseng, e bile go phološa bao Modimo, ka tsebelopele ya Gagwe, a bonego gore ba nyakile go phološwa, le a bona, gobane lefase ka moka le ahlotšwe. Gomme ga ke bone ka fao re kago go e ruta ka tsela efe ye nngwe ntle le tsebelopele ya Modimo, gomme Beibele pepeneneng e bolela gore O tseba mafelelo go tloga mathomong, gomme o kgora go e bolela.

³² Kagona, ge mo—mo motho a leka go ba se sengwe seo ba sego sona, ba no dira kekišo, gomme ka pejana goba moragwana

e tla go hwetša. Dibe tša gago di a go hwetša. O ka se kgone go di khupetša. Go na le sekhuspetši se tee feelsa sa sebe, seo ke Madi a Jesu Kriste, gomme A ka se kgone go dirišwa ntle le ge Modimo a go biditše go tloga motheong wa lefase. Seo ke se Madi ale a tšholotšwego bakeng sa sona; e sego go gatakelwa godimo, le go dirwa metlae, le—le go šongwa, le—le go bolelwa gampe, le—le go ya pele. E be e le bakeng sa morero wa thwi. Yeo ke nnete. E sego go ralokwa ka wona, e sego go ekišwa, ka go bolela gore dibe di khupeditšwe mola di se tša dirwa. Gomme ga go motho a ka kgonago go ba le dibe tša gagwe di khupeditšwe ntle le ge leina la gagwe le beilwe godimo ga Puku ya Kwana ya Bophelo pele ga motheo wa lefase. Jesu o rile, ka Boyena, “Ga go motho yo a ka kgonago go tla go Nna ntle le ge Tate wa Ka a mo goga. Gomme bohole ba Tate a,” lebaka le le fetilego, “Mphilego, ba tla tla go Nna.” Yeo ke nnete. Kafao o ka se dire Mantšu go aketsa. A fao bakeng sa Therešo le bakeng sa phošollo.

³³ Gomme Moshe o tswetšwe le mpho ya tumelo; Moshe a bille le tumelo ye kgolo. Re a e bona, morago ga lebakana, e tšwela ka ntle ga gagwe. Gomme o tswetšwe ka lapeng le legolo, bjalo ka ge re tseba ka fao gore tatagwe le mmagwe, le go tšwa lapeng la Lefi. Yeo, kanegelo mo, pele ga ye, ka go Puku ya—ya Ekisodo, ka bobotse kudu e fa bophelo bja moanegwa yo mogolo yo. Gomme o be a le yo mongwe wa ba—ba baanegwa ba bagologolo ba Beibele, ka gore o be a le sekai sa go tia sa Morena Jesu.

³⁴ O tswetšwe ka tswalong ya go aroga kudu, boka Morena Jesu. O tswetšwe mo nakong ya tlhomaro, boka Morena Jesu. O tswaletšwe go ba mhlakodiši, boka Morena Jesu. O ile a utwa ke batswadi ba gagwe, kgole go tloga go lenaba, boka Morena Jesu. Gomme o tla go nako ya gagwe ya tirelo, go swana le Morena Jesu. O be a le moetapele, go swana le Morena Jesu. O be a le moperfeta, boka Morena Jesu. Gomme o be a le mofi wa molao, boka Morena Jesu.

³⁵ Gomme re hwetša gore o hwile godimo ga Leswika, gomme o swanetše go be a tsogile gape le se sengwe le se sengwe, gobane, mengwaga ye makgolo sesswai moragwana o be a eme godimo ga Thaba ya Phetogelo, a bolela le Morena Jesu. Le a bona? Barongwa ba mo rwaletše kgole. Ga go yo a tsebago moo a boloketšwego. Ebile le diabolo ga se a tsebe seo. Gabotse, ga ke dumele o kile a bolokwa. Ke—ke a dumela gore Modimo o mo rwaletše kgole, gomme—gomme o hwile godimo ga Leswika leo a le latetšego matšatši ohle a bophelo bja gagwe.

³⁶ Gomme o be a le sekai sa go phethagala sa Kriste. O be a le kgoši godimo ga batho. O be a le mofi wa molao. O be a le—o be a le mo—mo mohlokemedi go batho. O be a le se sengwe le se sengwe, ka go—ka sekai, seo Kriste a bilego.

³⁷ Bjale, gona, bonang gore o tswetšwe le dimpho tše kgolo tše le boleng ka go yena, gona go tšere feela Sengwe go phadima go kgabaganya seo, go tliša selo sela Bophelong.

³⁸ Le a bona, peu ya Modimo gabotse e beilwe ka go rena go tloga motheong wa lefase. Gomme ge Seetša sela la mathomo se ratha peu yela, Se e tliša Bophelong, eupša Seetša sa pele se swanetše go tla godimo ga peu.

³⁹ Boka ke rutile makga a mantši ka mosadi yo monnyane mo sedibeng, yena ka seemong sela. Le ge a le mo—mo motho wa tumo ye mpe, le ge bophelo bja gagwe—bja gagwe bo be bo nyenyefatšwa, gomme o be a le ka leemong lela ka baka la gore metlwae yeo ga se ya ke ya mo kgwatha, eupša, go le bjalo, ge Seetša sela la mathomo se mo ratha, ka pela o Se lemogile, gobane go be go le se sengwe fale go arabela go Sona. “Ge botebo bo bitša Botebo,” fao go swanetše go ba Botebo felotsoko go arabela go pitšo yeo.

⁴⁰ Gomme Moshe mo o tswetšwe moprofeta yo, eupša o godišitšwe ka sekolong sa bohlale le paleisi ya Farao. Farao Seti, yo a godišeditšwego ka fase ga gagwe, e be e le monna yo a bego a sa na le tlhompho, le go dumela Josefa go beng moprofeta wa Morena. Eupša fao gwa tla Ramasese ka morago ga Seti, gomme Ramasese o be a sa tshwenyege ka Josefa. Gomme kafao, kagona, fao ke ge bothata bo thoma, bjale, ge fao go tsogetše godimo Farao yo a bego a sa tsebe Josefa.

⁴¹ Eupša maboleng a magolo a, a re bole leng ka wona feela nakwana ye nnyane, gomme, pele re fihla go kgwekgwe ya tema. Ke na le tsela ya go se tlwaelege ya go bea hlogotaba, morago go aga go yona, gomme Morena a re thuše mosong wo ge re aga go yona.

⁴² Moshe, a tswetšwe le mpho ye kgolo ye ya tumelo. Ka gona, o be a tloditšwe le go rongwa mo sethokgweng se se tukago, go hlakodiša batho ba Modimo. Bjale, bonang ke maboleng a magolo motho yo a bilego le wona! O belegetše selo se rilego. Modimo o bile le morero ka go yona.

⁴³ Modimo o na le morero wa gago wa go ba mo. Le a bona? Ge o ka no ba, wa fihla go lefelo lela, o phološa Modimo bothateng gakaakang le wenamong, le wena.

⁴⁴ Moshe o tswetšwe, gomme ka gona o be a le, ka morago ga fao, o tlišitšwe go le—le lefelo moo a tloditšwego. Gomme, hlokamelang, peu e robetše fale ka kelello ya bohlale, ka tumelo yohle yeo a tswaletšwego go hlakodiša batho ba, gomme go le bjalo ga se ya ke ya tla Bophelong go fihla Seetša sela go tšwa sethokgweng se se tukago se phadima go e kgabaganya; go fihla a bone, e sego se sengwe a badilego ka sona, eupša se sengwe a se bonego ka mahlo a gagwe; Sengwe seo se boletše go le yena, gomme o boletše morago go Sona. Oo, ka fao seo se tlišitšego dilo go Bophelo!

⁴⁵ Ke nagana monna mang kapa mang ka... goba mosadi, mošemanе goba mosetsana. Gomme ke a nagana, ka go kgopolо ya bohlale ya se ba naganago Lentšu ke sona, le go ya pele, ba ka se tsoge ba bile le motheo wa go tlala o eme go fihla ba kopane le Seetša sela seo se tlišago Lentšu lela go kgonthе.

⁴⁶ Ke a nagana ga go kereke ka go go dira ga yona, ga go kgathale e ka ba bohlale bjang le motheo bjang, kereke yela e ka se kgone go atlega go fihla sa Kagodimogatlhago se dirwa go tsebja magareng ga batho bale, gomme ba a se bona. Se sengwe se ba ka kgonago go bolela le sona, se se tla bolelago morago go bona, se se hlatselago Lentšu le le ngwadilwego.

⁴⁷ Bjale elelwang, ge Moshe a kopana le sethokgwa se se tukago, Lentšu lela le hlatseditšwe tlwa. E be e le Lentšu. Moshe o be a se a swanela go tshwenyega, “Segalontšu se sohle ke ka eng? Sephedi se ke eng mo?” Gobane, Modimo o be a šetše a ngwadile go Lengwalo, ka go Genesi, gore, “Batho ba gago ba tla diilela ka nageng ye šele ye, eupša ba tla tlišwa morago ka morago ga mengwaga ye makgolonne, ba tla tla morago ka go naga ye gape, ka gore bo-bo bokgopo bja Baamoro ga se bja be bja phethagala.” Bjale, makgolo le makgolo a mengwaga pele, Modimo o be a boletše gore Israele e tla diilela le go swarwa gampe ka nageng e šele, gomme e tla dula fale mengwaga ye makgolonne. Eupša Modimo, ka seatla se maatla, o tla ba ntšhetša ntle. Kafao, le a bona, ka sethokgwa se se se tukago...

⁴⁸ Moshe o tsebile se, ka bohlale. Gomme peu ye e tswetšwego ka go yena, e be e robetše ka pelong ya gagwe. Gomme o lekile, ka boitemogelo bja gagwe bja bohlale le Lentšu, go leka go—go—go ba tliša ntle, go ba hlakodiša, gobane o tsebile o be a tswaletšwe morero wola. O tsebile seo, nako. Mangwalo ohle a boletše gore ba be ba šetše ba bile kua mengwaga ye makgolonne.

⁴⁹ Feela bjalo ka ge re tseba bjale, bjalo ka ge monna a mpotšišitše dinakwana di se kae tša go feta, ka ga go Tla le Tlhatlogo. Re a tseba. Re phetše go feta nako, ka nako ya Tlhatlogo e batametše, gomme re lebeletše bakeng sa tumelo ya tlhatlogo yeo e ka gogelago Kereke mmogo le go E fa maatla a mangwe a ka godimo ga tlhago, ao a kgonago go fetola mebele ye re phelago ka go yona. Ge re bona Modimo yo a kgonago go tsoša mohu go tšwa lebatong goba ka ntle ga jarata, le go mo tliša morago bophelong gape le go mo neela pele ga rena, ge re bona Modimo yo a kgonago go tšea kankere ye e jelego monna go ba moriti gomme a mo tsošetša godimo go monna wa go tia wa go phelega, yo a swanetšego go fa tumelo ya tlhatlogo go batho. Gore, ge Seetša sela se phadima go tšwa leratadimeng, gomme phalafala e gala, Mmele wa Kriste o tla kgobelwa ka pela mmogo, le go fetolwa ka nakwana le go tšeelwa ka Magodimong. Ee, go swanetše go ba se sengwe boka seo se direga. Gomme dikolo tša rena tša thutamodimo di ka se tsoge tša tšweletša seo, efela ka

bohlale di lokile. Eupša o swanetše go kopana le Seetša sela! O swanetše go hwetša Sengwe sela.

⁵⁰ Gomme mo Moshe, o thekgile pišo ya gagwe ye kgolo godimo ga Lentšu, gomme e be e le ye kgolo, go fihla letšatši le lengwe a kopana le Seetša se, gomme lona Lentšu ka Bolona le boletše morago go yena. Ka gona o hweditše tlotšo ya gagwe. Leo le tloditše se a bego a na le sona ka gare ga gagwe, seo ka gare, mama mahlale ao a bego a se dumela, tumelo ye e bego e theilwe godimo ga tumelo ya gagwe go Modimo, yeo e mo arogantšego go tloga go mmagwe. Gomme bjale ge a ratha ka Bogoneng bja Seetša se, Se tloditše seo a se dumetše. Le a bona? A tlotšo! Gomme o be a romilwe.

⁵¹ Bjale, re a tseba, ka bohlale o be a kwele mmagwe. O tsebile se se bego se eya go direga, gomme o tsebile o be a phela ka letšatšing leo. Eupša fa o hweditše gore o be a le mopalelwa, kafao a ka no ba... tumelo ya gagwe e ka no ba e wetše morago gannyane nthathana. Eupša ka gona ge a etla sethokgweng, Modimo o rile, “Ke kwele dillo tša batho ba Ka, gomme Ke elelwa tshepišo ya Ka go botatago bona, Abraham, Isaka, le Jakobo, gomme Ke theogile.” “Nna,” fao, le—le lešalašala, “Ke tlide fase go ba hlakodiša.”

⁵² Gomme bjale, gomme a nke ke no oketša se ge se... Modimo ntshwarele ge se kwagala e le nyefola. “Nna ga ke šome godimo ga lefase, feela ka motho. Ke—Ke—Ke nna Morara; lena le makala. Gomme Ke no ipolela Nnamong ge Ke kgona go hwetša motho. Gomme Ke go kgethile, gomme Ke go roma tlase go ba ntšetša ntle.” Le a bona? Bjale hlokamelang, “Ke tla ba le molomo wa gago, gomme Ke... o tšee lepara le.”

⁵³ Gomme Moshe o rile, “A nka kgona go bona bohlatsé gore O tla nthoma, gomme O ntłoditše, gomme O ya go dira dilo tše?”

A re, “O na le eng ka seatleng sa gago?”

A re, “Lepara.”

O rile, “Le lahlele fase.” Le fetogile sephente. O tšhabile.

⁵⁴ O rile, “E tšeeli godimo.” E boetše morago go lepara. O rile, “Bea diatla tša gago ka lehwafeng la gago.” O se ntšheditše ntle, gomme se be se le lephera. O se beile morago, gomme se be se fodile. O rile...

⁵⁵ O bone letago la Modimo. Go be go se sa na le potšišo, go Moshe. A le kile la ela hloko, ga se a ke a kitimela lešokeng gape? O tsebile gore o be a tloditšwe. O tsebile moo, dilo tše tšohle tše di bilego ka pelong ya gagwe, maboleng a magolo a makaone a, gomme o... a be a tloditšwe bjale. O—o loketše. O loketše go tloga. Ka fao tlase go leba Egepeta o a ya.

⁵⁶ Modimo o be a rile, “Ke tla ba le wena,” kafao seo—seo se a e ruma. Ge, “Ke tla ba le wena,” seo ke sohle Moshe a ilego a se

tseba. Bakeng sa pitšo ye kgolo ka pelong ya gagwe, gomme bjale Modimo o rile, “Ke tla ba le wena.”

⁵⁷ Bjale, Modimo gape o hlatsetše tša gagwe . . . dittleleimi tša Moshe. Ttleleimi ya Moshe, “Ke kopane le Morena. Gomme O rile ke le botše, ‘KE NNA’ o nthomile.” Le a bona?

⁵⁸ Bjale ba rile, “Monna šo, Mojuda yo mongwe, ka kgonagalo ba bangwe ba mahlanya a ao a bego a etla go bapa nako yohle ka mohuta ohle wa sekema go re ntšha ditlemong.” Gomme le tseba ka fao batho ba lego ge ba le makgoba, goba ditlemong bakeng sa se sengwe, ka mehla go na le mohuta wo mongwe wa bofora o etla go dikologa, le a tseba, go e dira.

⁵⁹ Kafao, Moshe, Modimo o tshepišitše Moshe, “Ke tla ba le wena. Ke tla ba ka go wena. Mantšu a Ka e tla ba Mantšu a gago. O bolela Mantšu a Ka gomme o no bolela se Ke se bolelago.”

⁶⁰ Gomme bjale ge Moshe a ile tlase le go ba fa pitšo ye, le go ema pele ga Farao, le go mmotša, “Morena Modimo wa Bahebere o rile, ‘Ntšhetša bana ntle,’” gomme ga se a ba dumelela go tloga, gomme kafao o—o dirile leswao pele ga bagolo le pele ga Farao. Gomme maswao ao Modimo a a dirilego: O rile, “Bjale, gosasa, e ka ba ka nako ye, letšatši le tla dikela, e tla ba leswiswi gohle godimo ga Egepeta,” gomme ya tla go phethega feela tlwa. Gomme ka gona o rile, “Go—go tla dintšhi godimo ga—godimo ga naga,” gomme o otlolletšepele lepara la gagwe gomme o biditsé dintšhi, gomme dintšhi tša tla. Gomme o profetile, gomme se sengwe le se sengwe seo a se profetilego se diregile feela tlwa ka tsela. E be e le Modimo. Le a bona?

⁶¹ Modimo o be a mmiditše go tloga tswalong ya gagwe, o beile maboleng ka go yena, a tumelo ye kgolo, gomme morago a tla fase ka Bogona bja Gagwe gomme a tlotša selo se segolo sela ka go yena, gomme a mo roma tlase ka Lentšu la Gagwe, gomme o be a hlatselwa ka maleba ke dittleleimi tša gagwe. Ga go kgathale ke ditswiamagotlo tše kae di tsogilego, ke tše kae dilo tše dingwe tše di diregilego, Modimo o be a bolela ka . . . Moshe o be a tsebagatšwa. Moshe, se Moshe a se boletšego, Modimo o se hlomphile. Ke nyaka gore le se tsoge la lebala Lentšu lela. Seo Moshe a se boletšego, Modimo o ile a se hlompha, ka baka la gore Lentšu la Modimo le be le ka go Moshe. “Ke tla ba le molomo wa gago; o tla bolela dilo tša maleba.” Bjale, se Modimo a se bolelago—se Modimo a se bolelago, O se bolela ka Moshe, gomme se tiišeditše le go hlatsela dittleleimi tša gagwe.

⁶² Gape, o boditswe ke mmagwe, ka tswalo ya gagwe ya sephiri, le ka fao gore nako ya patameloe tla kgauswi le iri yeo go bego go swanetše go ba le tlhakodišo. Amoramo le—le Jogobeda, barwa le morwedi wa Lefi, ba thoma go rapela Modimo go romela mohlakodiši. Gomme go tšeа . . . ge le bona nako ya tshepišo e batamela kgauswi, go bea batho go rapela le go swarwa ke tlala. Gomme ga go pelaelo gore—gore Jogobeda o mmoditše makga

a mantši, mmagwe; bjalo ka ge a be a le morutiši wa gagwe, le yena, bjalo ka ge re tseba kanegelo. Gomme o mmoditše ka fao a rapetšego. “Gomme, Moshe, ge o be o tswalwa, morwa, o be o le ngwana wa maleba. O be o fapania. Go bile le se sengwe se diregilego go tswalo ya gago.”

⁶³ Ke file tiragatšo go yona go bana, e se kgale botelele, gomme ke rile, “Ge Amoramo a be a le ka kamoreng a rapela, o bone Morongwa a goga tšoša ya Gagwe gomme a e šupetša go leba Leboa, gomme o rile, ‘O tla ba le ngwana, gomme o tla tšeela bana Leboa go ya nageng ya tshepišo.’” Go fa tiragatšo bakeng sa bainsa ba bannyane gore ba e kwešiše; gore bohlale bja bona ga se bo tle godimo go lefelo leo lena ba bagolo, le go kgona go swara dilo bjalo ka ge Moya wo Mokgethwa o e utolla go lena.

⁶⁴ Bjale, le ge mmagwe a mmoditše dilo tše, gomme o tsebile se, efela o be a hloka kgwatho ye nngwe. Thu—thu thuto e be e lokile, eupša o be a hloka kgomano ya sebele.

⁶⁵ Seo ke se lefase le se hlokago lehono. Seo ke se kereke e se hlokago lehono. Seo ke se yo mongwe le yo mongwe a se hlokago, bao e lego barwa le barwedi ba Modimo. Gore o be seo, o nyaka kgomano ya sebele, le a bona, Sengwe. Ga go kgathale, o a tseba Lentšu ke therešo, o a tseba Le lokile; eupša ka gona ge le kgomana, gomme ka gona o bona selo se dirwa, ka gona o a tseba gore o tseleng ya maleba. Le a bona? Gomme, šetšang, ka mehla e tla ba Lengwalo. Le tla ema thwi le Lengwalo, gobane se se dirile.

⁶⁶ Thapelo ya Amoramo e be e no ba tlwa le Lengwalo. Dithapelo tša bona di be di le le Lentšu le le tshepišitšwego. Modimo o tshepišitše ka nakong yeo go e dira. Ba e rapeletše, gomme ngwana wa maleba šo o belegwe. Gomme ba . . .

⁶⁷ Šetšang! Oo, ke rata se bjang! Le a bona, mo iring yeo Farao a bego a bolaya bana bohole, le a bona, go ba bea go—go tšoša, tšoša ya mohlapetši; ba—ba—ba hlabile bana ba bannyane ba go iša lehung, ba ba leša dikwena, mebele ye mennyan, go fihla dikwena di bile mohlomongwe di nonne godimo ka mebele ya bana ba Bahebere. Eupša Beibele e boletše, gore, “Batswadi ga se ba boife taelo ya Farao ya go bolaya bana.” Ga se ba ke. Ba be ba sa fšege, gobane ba bone se sengwe ka go lesea le, sa mathomo. Ba se bone, gore ye e be e le karabo ya thapelo.

⁶⁸ Gomme bjale Moshe o bile le se sohle bjalo ka bokamorago, kafao Moshe o tsebile o be a romilwe bakeng sa wona morero go hunolla bana ba Israele.

⁶⁹ Le a bona, bokamorago bjhohle bo no pakelana godimo. Ge o hwetša e ka ba eng, gomme o kgona go tliša Beibele, o re, “Se se ya go direga,” gomme sese se a direga; “gomme sese se a go ba ka nako yeo,” sese se a direga; “gomme se se ya go ba ka nako yela e itšego,” fale sesela se a direga; gona sohle se kgobokana mmogo le go re thalela seswantšho.

⁷⁰ Oo, ka fao tabarenekele ye mosong wo, ka fao rena batho ba iri ye, Ngwanešu Neville, bjalo ka ge re bona bopududu bo ratha moriri wa rena, le magetla a rena a kobama, ge re bona lefase le logagana le go kgehlemana bjalo ka ge le le, le ka fao re kgonago go lebelela go dikologa le go bona tshepišo e batamela kgauswi! Ke, ke . . . Ke a nagana, makga a mantši, ge yo mongwe a ka no tompšela ka go Lona gatee, gomme a se Le kwešiša, goba o tla Le kwešiša, a ke re, gomme a tla ka go Lona gatee, e tla nyaka go go romela Bokagosafelego, feela ka selo se sebjalo sa tlhatlogo! Gomme ga se ka tsoge ka e tseba, gomme feela, oo, thuba go kgabola dilo tše re di bonego le go tseba le go kwešiša, gomme tšohle di tompšetše ka gare ka nako e tee. Monna, goba mosadi, mošemane, goba mosetsana, go molaleng ba ka emišetša diatla tša bona godimo gomme ba re, “A re ye, Morena Jesu,” le a bona. Oo, iri e kgaušwi bjang!

⁷¹ Moshe o tsebile gore o be a tswaletšwe morero woo, gomme o lebeletše ka ntłe ga mafastere le go bogela bona Bahebère ge ba be ba katana; o lebeletše morago mo ka Lengwalong, gomme le rile, “Gomme ba tla diilela mengwaga ye makgolonne,” le a bona, “eupša Ke tla ba ntšetša ntłe ka seatla se maatla.” Ka gona ge a etla morago, ka morago ga thomo, a tloditšwe, o tsebile gore o be a tswetšwe . . . Gomme tumelo ya gagwe e lebeletše, ka tumelo o bone batho bale gomme o tsebile ba be ba le bana ba Modimo, gobane lefase . . . le—le Lentšu le boletše bjalo. Ba be ba se ba lefase, gomme ba be ba sa swane le ka moka ga bona. Ba be ba fapania. Gomme e be e le mekerenko le mahlanya, go mama matsaka a godimo a Egepeta; gomme o be a swanetše go ba morwa wa Farao, a thopa mmušo, le wa go latela. Eupša, yena, go be go le se sengwe tlase ka go yena, tu—tu tumelo ya kgonthe yeo e bego e sa lebelele go dilo tšela, matsaka ao a bego a swanetše go a tšebohwa. O lebeletše tshepišo ya Modimo, gomme o tsebile gore nako e be e batamela kgaušwi. Gomme se monna yola a swanetšego go be a naganne ka sona!

⁷² Ke nyaka go bolela go e fetša le yena, letšatši le lengwe, ge ke kopana le yena ka lehlakoreng le lengwe. O re, “Bogafa, ngwanešu!” Aowa, ga se bjona. Ke ya go kopana le yena, ka mogau wa Modimo. Ee, mohlomphegi. Ke tla bolela le yena, letšatši le lengwe, Moshe ka boyena. Gomme ke tla rata bjang go mmotšiša, feela bjang, ge a bone tokišetšo ya gagwe!

⁷³ Kafao kgakanegokgolo, diabolo a re, “Ao, batho ga ba ye go go dumela. Huh—uh. Ga—ga go na selo go seo.”

⁷⁴ Eupša ge peu yela e etla Bophelong godimo fale, se sengwe se mo rathile, gomme o tsebile go be go le se sengwe se yago go direga. O tsebile. O lebeletše go—go sešupanako gomme o bone e be e le nako mang, gomme o tsebile, le ka fao a swanetšego go nagana ge a be a bogetše. Bjale ge a tlišitše sohle se mmogo, selo sohle se segolo se seo a se bonego; nako ya Lengwalo, thapelo ya mmagwe le tatagwe, gomme o tswetšwe tswalo ya moswananoši,

ngwana walearogi. Gomme, gohle go bapela, go bile le se sengwe tlasetlase ka go yena.

⁷⁵ Gomme bjale o a ngwega le go leka go nagana o tla tšeа tlhahlo ya gagwe ya sešole go tšwa sekolong sa gagwe, le go hlakodiša bana, gomme yeo e šitilwe.

⁷⁶ Morago o ya godimo ka lešokeng le go nyala mo—mo mosetsana wa go ratega wa Moetopia, gomme ba bile le mošemane yo monnyane a bitšwago Gerisome.

⁷⁷ Gomme letšatši le lengwe ge a be a hlapeditše mohlape, gateetee o bone sethokgwa se se tukago ka godimo ga thaba, se tuka. Gomme o ile godimo kua. Gomme e sego bohlale, e sego ke—ke kelello, e sego phoro, phoro ya leihlo, eupša ka go yena... Go be go le Modimo wa Abraham, ka Seetšeng, Pilara ya Mollo morago ka sethokgweng, Mollo wola, boka maphoto o tšwela ntle, eupša o be o sa tshwenye sethokgwa. Gomme Segalontšu sa Lengwalo, Segalontšu sa Modimo, se boletše go kgabola fale, gomme se rile, "Ke go kgethile. Ke wena monna. Ke go godišeditše morero wo. Ke go netefaletša mo, ka maswao, o ya tlase go hlakodiša bana ka baka la gore Lentšu la Ka le swanetše go phethagatšwa."

⁷⁸ Oo, Lentšu la Gagwe la letšatši le le swanetše go phethagatšwa. Re phela mo iring. Ga go kgathale se e ka ba mang gape a se bolelago, Lentšu le swanetše go phethagatšwa. Magodimo le lefase di tla feta, eupša e sego Lentšu la Gagwe.

⁷⁹ Bjale, ge Moshe a tlišitše sohle se mmogo, le go bona ka lehlakoreng le lengwe le le lengwe, e tloditše tumelo ya gagwe. Amene! Oo, nna! A kgopol! Ye, ka boyona, yonamong ka go bona Lengwalo le šupa thwi go otloga go se le bego le le sona, le go bolela ga Modimo, le bohlatse bja gona fale, e tloditše tumelo ye a bilego le yona ka go yena, go ya mošomong.

⁸⁰ E swanetše go dira eng go ren? Re hloka tshokologo. Re hloka tsošeletšo. Ke bolela nnamong. Le a bona? Ke hloka go Šikinyega. Ke hloka se sengwe. Ke rile ke be ke bolela le nnamong mosong wo, goba ka nnamong. Ke—ke—ke hloka go—go phafoga.

⁸¹ Gomme ge ke nagana ka bohlatse bjo bogolo bjola, se sengwe le se sengwe se beilwe ntle ka go phethagala bjalo, gomme se tloditše tumelo ya Moshe. Gomme, nna, o bone go be go se selo...

⁸² Mo, o tšhabile go tšwa Egepeta, le, gabotse, a ka be a thomile po—po polao goba se sengwe, gomme a ka be a—a ka be a tsogile le go thoma dikhuduego ka Egepeta, gomme a ka be a tšere sešole le go lwa, eupša, le a bona, gomme a bile le dikete tše dintši ka lehlakoreng la gagwe. Eupša sebakeng sa seo, o be a tšhogile ebile le go dira seo, le madira ka lehlakoreng la gagwe.

⁸³ Eupša bjale šo o tla morago, mengwaga ye masomenne moragwana, mengwaga ye masomeseswai bogolo, ka feela lepara

ka seatleng sa gagwe. Gobaneng? Se se bego se tuka tlase ka pelong ya gagwe se be se fetogile kgonthe. O be a tloditšwe nako yeo, gomme o tsebile o be a ne O RIALO MORENA. Go be go se selo se yago go mo thibela bjale. Ga se a hloke madira. Modimo o be a na le yena. Seo ke sohle a se hlokilego: Modimo le yena.

⁸⁴ Oo, ge o tseba Modimo o go rometše go dira se sengwe se itšego, gomme o se bona se sepelela godimo kua, go—go no se be selo se ka kgonago go tsea lefelo la sona. Yeo ke phetho.

⁸⁵ Ke eelwa dinako ge Morena a mpoditše ka dilo tše di itšego di be di eya go direga, gomme ka gona ka sepelela godimo gomme ka e bona e robetše thwi fao, ka fao... Oo, a maikutlo! Seemo se šetše se le ka tlase ga taolo, ke phetho, le a bona, gobane Modimo o boletše bjalo.

⁸⁶ Ke a eelwa, bontši bja lena le a eelwa, ka mošemane yo monnyane a tsošwa ka Finland, gomme ka gona go tšwa bahung, o bolailwe ke sefataganaga. Gomme ke eme fale ka thoko ga tsela, gomme ka thoma go sepela go tloga go ngwana yola, gomme ka retologa le go lebelela morago. Gomme Sengwe se beile seatla sa Sona godimo ga legetla la ka, gomme ke naganne e be e le Ngwanešu Moore, gomme ga go yo a bego a le tikologong ya ka. Gomme ka lebelela morago, gomme ka gona ka lebelela godimo ga thaba ke e bonego. Ke rile, “Gabotse, ke bone thaba yela felotsoko, eupša ga se ra tla godimo ka tsela ye. Re ttile ka tsela ye nngwe. Thaba yela e kae?”

⁸⁷ Gomme ka lebelela gomme ka bona koloi yela tlase kua, e senyegile; ke bone mošemane yola yo monnyane fale ka wa gagwe... a robetše fale ka mo—mo mokoto wa moriri wa go swana le kwena, bjalo ka ge re ka o bitša fa. Mahlo a retologetse morago, boka a Ngwanešu Way a bile letšatši le lengwe ge a wele. Gomme leoto le lennyane le phunyeeditše go kgabola lesokisi, moo maoto a gagwe a mannyane a robegile. Gomme madi go tšwa mahlong a gagwe, le nko, le ditsebe. Gomme ke bone a gagwe a mannyane, marokgo a makopana; gomme a tlemilwe ka dikonope, a gagwe, *mo* le go bapela le lehlakore la letheka la gagwe le lennyane; le dikaušu tša gagwe tše nnyane godimo, go swana le masokisi a matelele go swana le a re bego re a apara mengwaga ye mentši ya go feta.

⁸⁸ Gomme ke lebelelše go dikologa, gomme go be go le tlwa, tlwa ka tsela ye Moya wo Mokgethwa o mpoditše mengwaga ye mebedi pele, ge lena bohle le e ngwadile ka Dibeibeleng tša lena go kgabaganya setšhaba, gore e tla direga. Oo, fale, gona, seemo se ka seatleng. Ga go kgathale o hwile gakaakang, ga go kgathale se e ka ba mang gape a se bolelago, go fedile. O swanetše go bowa morago!

⁸⁹ Ke rile, “Ge ngwana yo a sa tsoge go tšwa go hweng fa, gona ke nna moprefeta wa maaka, ga ke emele Modimo gabotse. Ka gore, ka nagalegaeng, mengwaga ye mebedi ya go feta, O

mpoditše se se be se tla direga. Gomme fale badiredi ba, le bohle, se ngwadilwe go lephephe la go fofa la Beibele ya rena, gomme sese sona tlwa. Se bale go tšwa go letlakala la go fofa, ka fao go tla ‘bago ka nageng, maswika a go theletšwa ke meetse, le go ya pele, go bolawa, gomme go . . . e tla ba ka lehlakoreng la seatla se setona sa tsela.’’ Ke rile, ‘‘Sele yona. Ga se gona se ka e thibelago. Seemo se šetše se le ka tlase ga taolo.’’

⁹⁰ Tumelo ye e bego e le ka gare ga pelo ya ka e be e tloditšwe. Oo, ge feels nka kgona go hlaloša yeo! Tumelo yeo Modimo . . . ke bilego le yona ka go Modimo, yeo e mpoditšego, gomme ga se nke ya palelwa, o mpoditše, ‘‘Seemo se ka tlase ga taolo bjale. Sese tlwa se ke le bontšhitšego mengwaga ye mebedi ya go feta, gomme sese se robetše feels ka lenaneo tlwa. Selo se nnoši o swanetšego go se dira ke go bolela lentšu.’’ Gomme mošemane yo monnyane o tsogile go tšwa bahung. Le a bona?

⁹¹ Ke be ke nagana, le go lebelela morago go Ngwanešu Fred Sothmann a dutšego fale, le Ngwanešu Banks Wood le bona. Letšatši le lengwe, godimo ka tse—tse Tselalephefo ya Alaska, ka fao ke emego mo ka kerekeng le go le botša tšohle ka phoofolo yeo e bogegilego boka dinaka tša tshepe, diintšhi tše masomenne pedi, le bera ya tšhitšiboya ya ntlhasilibera. Ga se nke ka ba fale peleng, le ka fao gore . . . gore ke be ke eya go hwetša ye, le ka fao e bego e tla ba, le ke ba bakae ba bego ba tla be ba na le nna, le ka fao ba tla bego ba apere. Le a e tseba, yo mongwe le yo mongwe wa lena, dibeke le dibeke pele e direga.

⁹² Gomme kua ge ke tsena ka kua, ke sa e tsebe, phoofolo yela e be e robetše fale. Gomme ke ile, gomme—gomme o . . . go be go sa kgonagale. Ge motsomi a ka tseba, goba a theetša theipi ye, ka fao o ka se sepelego godimo ka go sefahlego sa phoofolo, o be a tla tabogela godimo le go tšhaba. Eupša ga se a ke.

⁹³ Gomme šole o lekeletše ka kamoreng ya ka ya go khutša. Fale go lekeletše ntlhasilibera, feels tsela tlwa. Gomme ru—gomme rula e robetše fale, theipi ya go ela, go laetša ya gagwe tlwa. Gomme lenaka bonnyane le tla hunyela diintšhi tše pedi goba go feta, ge le le botala go phoofolo le ge le oma, eupša le ga se la tsoge la hunyela. Le sa le tlwa godimo ga nko diintšhi tše masomenne pedi. Le a bona? Fale go robetše ntlhasilibera, e botelele bja kgato tše šupago, feels tlwa, le se sengwe le se sengwe tlwa ka tsela ye se bego se le, e robetše fale bjale.

⁹⁴ Eupša ge monna yo a rile go nna, ‘‘Bjale, lebelela, Ngwanešu Branham, re na le phoofolo ye yeo o boletšego ka yona, eupša o mpoditše o tla hwetša bera ya tšhitšiboya ya ntlhasilibera pele o fihla patogeng ya thaba, morago go ya moo bona bašemane ba lego, yola ka hempe ye talamorogo.’’

⁹⁵ Ke rile, ‘‘Ke O RIALO MORENA. Modimo o boletše bjalo.’’

⁹⁶ “Eupša, Ngwanešu Branham,” o rile, “Ke kgona go bona gohlegohle godimo ga se sengwe le se sengwe mo, lebaka la dimaele, ga go selo. O tšwa kae?”

⁹⁷ Ke rile, “Seo ga se sa ka go botšiša. Modimo o boletše bjalo! Gomme Yena ke Jehofa-Jireh. A ka kgona go tliša bera fale. A ka kgona go bea e tee fale.” Gomme O dirile. Gomme šole yena. Ke seemo ka tlase ga taolo.

⁹⁸ Gomme ge Moshe a bone gore o godišeditšwe morero wo, gomme o kopane sefahlego ka sefahlego, Modimo yo mogolo yo Yo a dirilego pitšo, gomme a mo tlotša le go mo tsebagatša, le go re, “Ye ke pitšo ya gago, Moshe. Ke a go roma, gomme Ke ya go go laetša letago la Ka. Gomme Ke nna yo, ka sethokgweng, sa go tuka. Eya tlase kua! Ke tla ba le wena.” Ebile o be a sa hloke lepara. O be a ne Lentšu, Lentšu le le hlatsētšwego, gomme o ile kua. E tloditše tumelo ye e bego e le ka go yena.

⁹⁹ Gomme e a re tlotša ge re bona gore re phela ka matšatšing a mafelelo, go hwetša gore maswao ohle a ao re bonago a direga, ao a boletšwego ka Lengwalong, a tla direga mo matšatšing a mafelelo; tsela yohle go tloga Legodimong, go ya go maatla a sepolitiki, le tlhago ya batho, le go ngenega ga lefase, le magareng ga basadi, le ka fao ba tloga go dira mo matšatšing a mafelelo, le ka fao banna ba tla dirago, le ka fao dikereke di tla dirago, ka fao ditšhaba di tla dirago, le ka fao Modimo a tla dirago. Gomme re e bona yohle e letše thwi fa go rena.

¹⁰⁰ Oo, e tlotša tumelo ya rena. E re ntšhetša ntle ka go dintikodiko tše kgolo. Le a bona? E—e—e re aroganya go tloga go dilo tše dingwe tša lefase. Le a bona? Ga go kgathale re ba bannyane gakaakang, goba re ba ba sego nene gakaakang, ke bontši gakaakang re segilwego, re dirilwego metlae, ga go dire phapano ye nnyane. Yeo ke phetho. Re a se bona. Go na le selo se sengwe ka gare ga rena. Re kgethetšwepele go bona iri ye, gomme ga go selo se yago go re thibela go e boneng. Amene! Mo Modimo o e boletše. E—e šetše e diregile. Re a e bona. Oo, re leboga Modimo bjang ka se! Oo, gona, e tliša tumelo ya gago ntle ge re bona dilo tše di direga fa.

¹⁰¹ Bjale, mo gape re bala gore, “Moshe o semile kgobogo ya Kriste go ba mahumo a magolwane go feta mahumo a Egepeta.” Bjale, o semile kgo—kgo kgobogo ya Kriste.

¹⁰² Bjale elelwang, “kgobogo ya Kriste.” Le a bona, go na le kgobogo ka go direleng Kriste. Ge o tsebalega kudu le lefase, gona o ka se kgone go direla, ga o direle Kriste. Aowa, o ka se kgone. Gobane, le a bona, go na le kgobogo ye e yago le Lona. Lefase ka mehla le gobošitše.

¹⁰³ Moragorago kua, dikete tša mengwaga tša go feta, fao go bile kgobogo ye e ilego le Lona. Gomme Moshe go ba farao, o be a le farao yo a latelago a tloga, morwa wa Farao. Gomme o be a etla farao yo a latelago, ka lerato magareng ga batho, gomme go le

bjalo o “tšere . . .” *Sema e ra go—go “tšea.”* “O tšere kgobogo ya Kriste go ba dilo tše kgolwane go feta tšohle tše Egepeta e bego e ka kgona go mo fa.” Egepeta e be e le ka diatleng tša gagwe. Eupša, efela, o tsebile go tšea tsela ya Kriste e be e le bogoboga, eupša o be a thabile kudu go tseba gore go be go le se sengwe ka gare ga gagwe, seo se mo dirilego go tšea go batamela mo ga Kriste, kgobogo ya Kriste, a ke re, bogolwane go feta matsaka ohle ao a—a a abetšwego. O bile le bohwa ka gare ga gagwe bjo bo bego bo le bjo bogolwane go feta bohwa bja ka ntle ba mo filego.

¹⁰⁴ Oo, ge re ka kgona go ba ka mokgwa woo lehono, gomme ra dumelala Moya wo Mokgethwa go tlotša seo re nago le sona ka go rena, tumelo yela, go bophelo bja bomodimo, bo gafetšwego go Kriste!

¹⁰⁵ Bjale, ka tumelo ye bjalo ka ye yeo a bilego le yona, o lemogile, gomme o tšere kgobogo yeo go ba tlhompho.

¹⁰⁶ Lehono, yo mongwe a ka re, “Hei, a o yo mongwe wa batho bao, bao?”

“Uh, uh, gabotse, uh.” O no ba dihlong gannyane ka yona.

¹⁰⁷ Eupša o le tšere e le lehumo le legolwane go feta lefase lohle, gobane gore go be go le se sengwe ka go yena seo a kgonnego go bolela le go re, “Ee, ke—ke hlompha se. Se se hlomphiwa gagolo. Ke thakgetše go ba yo mongwe wa bona.” Le a bona? “Ke thabetše go ipala nnamong bjalo ka Mohebere gomme e sego Moegepeta.”

¹⁰⁸ Bakriste lehono ba swanetše go bolela selo sa go swana. “Ke thakgetše go itšea nnamong Mokriste, go tloga go dilo tša lefase le tshepedišo ya lefase. E segó feela bjalo ka leloko la kereke, eupša bjalo ka Mokriste wa go tswalwa gape yo a phelago go ya ka Lengwalo. Le ge nka bitšwa, ebole le ke maloko a kereke, ‘lehlanya,’ go le bjalo ke—ke—ke sema seo selo se segolwane—se segolwane go feta ge ke be ke le motho wa go tsebalega kudukudu ka toropongkgolo goba ka setšhabeng. Bokaone ke be seo go feta go ba Mopresidente wa United States, goba—goba kgoši godimo ga lefase. Le a bona? Ke—ke sema seo godimo kudu, ka gore Modimo ka go kgaogelo ya Gagwe, pele ga motheo wa lefase—lefase, o mpone, le—le go bea peu ye nnyane ka fale, gore tumelo ya ka e tla fofa ka godimo ga dilo tše tša lefase. Gomme bjale O mpiditše, gomme ke—ke šetša lefelo la ka.”

¹⁰⁹ Bjalo ka ge Paulo a boletše, o tšere ofisi ya gagwe ka ya godimo . . . le a bona, gomme, oo, gore Modimo o be a mmidiše go beng morutiši yo mogolo boka Gamaliele. Eupša Paulo o be a bileditšwe go ba sehlabelo bakeng sa Kriste. Le a bona? Bjale selo sa go swana.

¹¹⁰ Elang hloko, ka tumelo ye bjalo, ga se a tsoge a itshama ka go bona ga gagwe, se a bego a kgona go se bona. Bjale, ga se a bona selo ntle kua eupša sehlopha sa—sa batho ba go swara

leraga, makgoba, ka kgolegong, ba go bolawa letšatši le lengwe le le lengwe, go itiwa ka difepi, ba dirwa metlae, ditumelo tša bona tša bodumedi, e be e le “mahlanya.” Gomme go be go le farao a dutše teroneng, yo a bego a sa tsebe goba go šetša e ka ba eng ka bodumedi bja bona. O be a sa tsebe selo ka bjona. O be a le mohetene, kafao o nno . . . A seswantšho sa lehono! Gomme šeo yona, bodumedi bja go fapania. Gomme ka fao gore ge—ge Moshe yo, efela ka go sona setulo le mopresitente, goba mo—goba monna yo mogolo, Farao, go tsea lefelo la gagwe lehung la gagwe, gomme o be a le mokgalabje. Gomme efela Moshe o naganne gore pitšo yela . . . O lebeletše ntle kua, gomme lefastereng la go swana le Farao a lebeletšego ka ntle ga lona, ka gore o be a le ka legaeng la gagwe.

¹¹¹ Gomme Farao o lebeletše ntle gomme o bone batho bale bao ba bego ba phagamišetša diatla tša bona godimo, gomme ba be ba tsea sefepi le go ba betha go iša lehung gobane ba be ba rapela. Ba kitimišitše tšoša go ba kgabola gobane ebile ba šitilwe, go se obamele nako efe kapa efe, le go ba dira ba šome go fihla mebele ya bona ye mennyanie ya kgale e tla phuhlama, le go ba fa seripa go lekanela go ja. “Gabotse, ba be ba se selo eupša sehlopha sa mahlanya, e sego motho le gannyane.”

¹¹² Gomme efela Moshe, tumelo yela ka go yena, e lebeletše godimo ga bona, gomme o rile, “Ke batho ba Modimo ba ba šegofetšego.” Amene. Ke rata seo. Ka tumelo ye bjalo, mahlo a gagwe ga se a wela go matsaka a Egepeta, a wetše godimo ga tshepišo ya Modimo. Leihlo la gagwe la ntšhu la tumelo le bone bokagodimo ga matsaka a Egepeta. O, elelwang, o ba ntšhu bjale. Ke moprofeta, gomme leihlo la gagwe la ntšhu le rotogela godimo ga dilo tšela. Oo, ke rata seo bjang! Huh! Nna!

¹¹³ Ke ga kae lehono, lehono, Bakriste ba itshama ka dikwi tša bona, le ka se ba kgonago go se bona, goba se ba ka kgonago go se kwešiša, sebakeng sa tumelo ya bona, go itshama go se o se bonago ka leihlo la gago le matsaka. Go swana le lena basadi, ka mehla ke bitša lena, ka lena le swanetše go tlogela moriri wa lena go golela ntle, ga la swanela go tlola meikapo, le swanetše go itshwara boka bahumagadi le Bakriste. O lebelela ntle godimo ga mokgotha le go bona basadi lehono ba apere bohlaswa, gabotse, le nagana, “Gabotse, ke wa kereke, gabaneng ke sa kgone go dira sel?” Le a bona? “Gomme o ripa moriri wa gagwe, gabaneng—gabaneng ke sa kgone go dira sel? Gabotse, o bonala go no ba yo mobose le bontši bja bohlale, le bomotho bjoo ebilego ke se nago bjona. Gabotse, gabaneng ke sa kgone go dira seo? Ke swanetše go se dira.” Ge o dira seo, o golofatša tumelo ya gago. Le a bona? Ga o fe tumelo ya gago sebaka sa go gola. Thoma ka seo, bjalo ka ke boletše.

¹¹⁴ Yo mongwe o rile, “Ngwanešu Branham, naga, batho, ba go tšea bjalo ka moprofeta. Ga wa swanela go be o kgakgamolla basadi ka mokgwa woo, le banna, bakeng sa dilo tše. Wena, o

swanetše go be o ba ruta mokgwa wa go—go profeta le go amogela dimpho.”

¹¹⁵ Ke rile, “Nka kgona bjang go ba ruta dipalontshetshere mola ebile ba sa tsebe diABC tša bona?” Le a bona?

¹¹⁶ Bjale e nong go thoma go tloga fao. Itlhwekiše wenamong gore ge o sepela ntle mo mokgotheng o bogega boka Mokriste, go le bjalo, le a bona, gomme morago eya go dira boka o tee. Le a bona? Gomme o ka se kgone go e dira ka gare ga gago mong. E swanetše go ba le Kriste a etla ka gare ga gago. Gomme ge peu yela e robetše ka kua, gomme Seetsa sela se a e itia, e ya go tla Bophelong. Ge e sa tle Bophelong, fao go be go se selo fao sa go tla Bophelong. Ka gore, ka nnete e e netefaditsé go ba bangwe, le a bona, e tla Bophelong ka pela ge Seetsa se e itia.

¹¹⁷ Yeo ke kgalemo go basadi, ke a tseba, bao ba theeditše go theipi ye, goba ba tla theetšago go yona. Ke kgalemo go wena, kgaetšedi. E swanetše go ba. E swanetše go ba, ka gore e a laetša. Ga ke kgathale se o se dirilego; o ka no ba o be o le wa bodumedi, bophelo bjohle bja gago, o ka no ba o phetše ka kerekeng, tatago a ka no ba modiredi, goba monnamogatša wa gago a ka no ba modiredi; eupša ge feela o sa obamele le—le Lentsu la Modimo, go a bontša ga go na Bophelo fale. Ge o bona selo se tlišwa ntle, gomme Bophelo bja Moya wo Mokgethwa, Bo hlokomele ge Bo ratha ba bangwe, bona se ba se dirago, ge Bo se tliša go bona, ga go makatše . . . Gobaneng . . . ?

¹¹⁸ A—a kgalemo go Bafarisei bale, bao ba biditše go Jesu, ge A kgonne go bona dikgopololo tša bona, O ba biditše, “Beletsebubu.”

¹¹⁹ Gomme mmalegogwana yo monnyane yola o rile, “Gobaneng, Moissa yo ke Mesia. Lengwalo le re O tla dira se.” Le a bona, peu yela e kgethetšwegopele e be e robetše kua. Gomme ge Seetsa se e ratha, e tlide Bophelong. O ka se kgone go e swara fase. O ka se kgone go uta Bophelo.

¹²⁰ O ka kgona go tšea le go tšhela khonkhoriti godimo ga sehllopha sa bjang, le go bo bolaya nakong ya marega. Seruthwane sa go latela, bjang bja gago bjo bontši bo kae? Thwi go dikologa mathoko a khonkhoriti. Gobane, peu yela ya go medišwa ka tlase ga letlapa lela, ge letšatši le thoma go phadima, o ka se kgone go e swara. E tla nyokanyoka tsela ya yona go dikologa go kgabola fale le go tla thwi ntle mo magomong a yeo le go nyaretša hlogo ya yona godimo go letago la Modimo. Le a bona, o ka se kgone go uta bophelo. Ge letšatši le ratha bophelo bja dimela, bo swanetše go phela.

¹²¹ Gomme ge Moya wo Mokgethwa o ratha Bophelo bja Lengwalo bjoo bo lego ka go motho, O tliša pele kenywa ya Lona thwi *fale*. [Ngwanešu Branham o thwantšha menwana ya gagwe—Mor.] Le a bona?

¹²² Kafao go sa kgathale o wa therešo le go botega bjang, o bolela bjang gore ga o yena, le go bolela, o re ba be... Basadi ba ba apere tše—tše mpe diaparo le dilo ntle kua, e no ba mmaletasa wa mehleng, bakeng sa seterata. Le ge, o sa dumele gore o lona, o ka se kgone go go dira gore o dumele. O ka netefatša gore ga o ne molato wa bootswa, eupša, ka go Puku ya Modimo, o dira bootswa. Jesu o rile, “Mang le mang a lebelelago mosadi go mo kganyoga, o šetše a dirile bootswa le yena ka pelong ya gagwe.” Gomme o itšweleleditše wenamong ka mokgwa woo. O a bona, o ka se kgone go e bona ntle le ge Bophelo bjola bo robetše kua.

¹²³ O lebelela go yo mongwe gape, o a lebelela le go re, “Gabotse, ke tseba Kgaetšedi Jones. Ngwanešu Jones ke... Yena ke modiredi. Mosadimogatša wa gagwe o dira *se* le go dira *sela*.”

¹²⁴ Ga ke kgathale se *seo* se se dirago; Le ke Lentšu. Jesu o rile, “A nke lentšu la motho yo mongwe le yo mongwe e be maaka, gomme la Ka le be therešo.” Ke Beibele. Gomme ge Seetša sela ka kgonthe se e ratha, e swanetše go tla Bophelong. E swanetše go no tla Bophelong.

¹²⁵ Bjale, leihlo le legolo la Moshe, leihlo la gagwe la ntšhu, le lebeletše mošola wa matsaka a Egepeta.

¹²⁶ Modumedi wa kgonthe wa Mokriste lehono, ga go kgathale se kerek e se bolelago, se yo mongwe gape a se bolelago, ge Seetša sela se ratha, gomme ba bona bjona bohlatse bja Modimo, Pilara yela ya Mollo e lekeletše fale, le maswao le dimaka tše di tshepišitšego, Lengwalo le beetšwe ka gare, le tla Bophelong. Ga go kgathale ke ye nnyane gakaakang, le ke ba bakae ka bonnyaneng, Sehlopha sa Modimo ka mehla se bile bonnyane. Le a bona? “Se boife, mohlape wo monnyane—monnyane, ke thato botse ya Tate wa lena go le fa Mmušo.” Le a bona? Ba a o swara. Modimo o tlamegile go ba romela ka gare go tšwa go kerekeleina ye nngwe le ye nngwe, taelo ye nngwe le ye nngwe, mogohle, go Le bona, ge ba beetšwe go ya Bophelong.

¹²⁷ Lebelelang mokgalabje Simeone, a beetšwe go Bophelo. Ge Mesia a etla ka tempeleng, ka sebopego sa les ea ka matsogong a mmagwe, Simeone, morago ka kamoreng felotsoko, a bala, Moya wo Mokgethwa o mo tsošitše, ka gore o be a letile. Bophelo bjola bo be bo le ka go yena. O rile, “Nka se hwe go fihla ke bona Kriste wa Morena.” Gomme fale go be go le Kriste wa Morena ka tempeleng. Moya wo Mokgethwa o mo etilepele go tloga mošomong wa gagwe, ntle, le go sepela go theoga go kgabola fale le go topa les ea lela godimo, le go re, “A nke mo—a nke mohlanka wa Gago a sepele ka khutšo, ka gore mahlo a ka a bone pholosho ya Gago.”

¹²⁸ Go be go le mokgekol o wa sefolu sekhetlong, ka leina la Anna, yo a bego a direla Morena mosegare le bošego. Le yena o be a akanyetšapele, gomme a re, “Mesia o etla. Ke kgona go Mmona a etla.” Efela, o be a foufetše. Ka nako yeo ya go swana, ge A be

a le fale . . . Bophelo bjo bonnyane bjola bo bego bo le ka go yena, bjo bo bego bo akanyeditšwepele, “Bo be bo tla ba fale! Bo be bo tla ba fale! Bo be bo tla ba fale!” Ka gona, Bophelo bjoo bo swanago, Seetša sa tla ka moagong, ka sebopego sa Lesea, bjalo ka “ngwana wa hlaba,” a phuthetšwe ka diaparo tša Gagwe tša mankgeretla, a etla godimo go kgabola moago. Gomme Moya wo Mokgethwa o rathile mokgekololo yola wa sefov, gomme o tlile ka Moya, a hlahlwa go kgabola batho, gomme a ema godimo ga Lesea le, gomme a šegofatša mme, le go šegofatša Lesea, le go bolela se bokamoso bo tla bago bakeng sa Lona. Le a bona, o beetšwe go Bophelo! Le a bona?

¹²⁹ Ba lebeleleng, go be go se tasene ya bona. Go bile feela disoulo tše seswai di pholositšwego mo letšatšing la Noage, ga se bontši kudu, eupša bohole bao ba beetšwego go Bophelo ba tla ka gare ka nako yela. Le bona ka fao Moya wo Mokgethwa o šomago ka go lebaka le lengwe le le lengwe, o goga batho.

¹³⁰ Bjale re hwetša gore tumelo ya Moshe e mo hlahlile go bogela se se bego se tla ba, e sego se se bego se le. Lebelelang gosasa sebakeng sa lehono. Lebelelang tshepišo sebakeng sa matsaka. Lebelelang batho sebakeng sa mokgatlo. Le a bona? Modimo o dirile seo.

¹³¹ Loto o kgonne go bona matsaka a katlego tlase ka Egepeta, goba tlase ka Sodoma. Loto o be a kgonna go bona dikgonagalo tša—tša—tša tšelete ye ntši. Loto o be a kgonna go bona kat—... dikgonagalo tša ge a lebeletše godimo go Sodoma gomme mohlomongwe o be a kgonna go ba.... Go beng gore o be a le Mohebere, o be a ka no ba monna yo mogolo fale, gobane o be a le seswantšho se segolo sa bohlale, le motlogolo wa Abraham, kafao o kgethile go ya go leba Sodoma. Mahlale a Loto a mo hlahlile go bona matsaka a—a katlego. Mahlale a Loto a mo hlahlile go bona tšegofatšo ya—ya matsaka. Eupša, tumelo ya gagwe e be e golofaditšwe ke wona, o be a sa bone mollo wo o bego o eya go senya mohuta woo wa bophelo.

¹³² Gomme yeo ke tsela ye batho ba lego lehono. Ba bona dikgonagalo tša go ba ba mokgatlo wo mogolo, ba bona dikgonagalo tša go ba le maemo a leago le batho ba toropokgolo, eupša ga ba bone kgonaga—... Ga ba bone tumelo ya bona e golofaditše. A nke ke bušeletše yeo gore e se ke ya se kwešišwe. Basadi lehono, bona, bjalo ka ge ke bolela, ba nyaka go—ba nyaka go dira boka dinaletšana tša mobi. Banna lehono ba nyaka go dira boka borametlae ba thelebišene.

¹³³ Bareri lehono ba bonala ba nyaka go dira dikereke tša bona boka lotše ya sebjalebjale ya mohuta tsoko, boleloko le go ya pele. Ba bona dikgonagalo tša mohlomongwe go ba pišopo goba mookamedipharephare, goba se sengwe boka seo, ge ba ka ya mmogo le kereke; ba tlogela Mangwalo, ge Le robetše thwi pele ga bona, ka ya go tsenelela ya go hlatselwa ke Maatla a Modimo,

le ka Lentšu la Modimo le le phelago le phela ka go batho. Efela, ga ba Le nyake. Ba re, “Ga re nyake go hlakahlkana ka se sengwe boka Leo.” Go tla tšeа karata ya bona ya kopanelo. Go tla tšeа lenaneo la bona la kerekela. Efela banna ba go botega, go swana le Loto, ba dutše tlase ka Sodoma, ba tseba gore seo ke phošo. Le a bona? Le a bona? Ba dira eng ge ba dira seo? Ba golofatša tumelo ye nnyane ye ba bego ba na le yona. E ka se kgone go šoma.

¹³⁴ Bjale, Moshe o fa tsela go seo, gomme o beile... tumelo ya gagwe e golofaditše lefase.

¹³⁵ E ka ba gore tumelo ya gago e tla golofatša matsaka, goba e ka ba matsaka a tla golofatša tumelo ya gago. Bjale, le swanetše go tšeа e tee goba ye nngwe. Gomme le a bona Beibele ga e fetoge. Modimo ga a fetoge. Yena ke Modimo mosefetoge.

¹³⁶ Gomme bjale re a hwetša, lehono, gore batho ba letšatši le, le a bona, ba lebelela go dilo tše kgolo, mokgatlo wo mogolo. “Ke nna wa *Semangmang*.” Le a bona? Gomme ba ya tlase kua, gomme, lebelelang, ga go phapano go tšwa go batho ba mokgotheng. Ga go dilo tše dingwe. Ba na le selo se sennyane sa bohlale, gomme ba ya pele. Ge o bolela ka phodišo Kgethwa, Pilara ya Mollo, Seetša sa Modimo, ba re, “Woo ke monagano.”

¹³⁷ Monna o topile seswantšho sa Morongwa wa Morena, letšatši le lengwe, modiredi wa Baptist, gomme a Se sega. Le a bona, ao—ao ke maroga. Le a bona? Ga go tebalelo go seo.

¹³⁸ Seo ke se Jesu a se boletšego, le a bona. Ke maroga; ge le O bona o dira yona mediro ye Kriste a e dirilego. Gomme O rile... Ge, ba bone mediro yela ka go Kriste, O be a le Sehlabelo, gomme ba Mmiditše “Beletsebubu, diabolo,” ka gore, ka gore O be a e dira. Gomme bjale ba re... O rile, “Ke a le lebalela bakeng sa seo. Eupša ge Moya wo Mokgethwa o etla go dira selo sa go swana, o bolela lentšu kgahlanong le Wona, le ka se tsoge la lebalelwena, ka go lefase le goba go lefase le le tlago.” Le a bona? Feela lentšu le tee ke sohle o swanetšego go se bolela kgahlanong le Wona. Le a bona? Gomme gona...

¹³⁹ Gobane, ge Bophelo bjola, ge o beetšwe go Bophelo bjo Bosafelego, gona Bophelo bjola bo tla thunyetša pele ge o Bo bone. O tla Bo lemoga, go swana le mosadi yo monnyane sedibeng, le—le ba bangwe ba go fapana. Eupša ge e se fao, e ka se kgone go tla Bophelong, ka gore ga go selo fao go tla Bophelong ka yona. Bjalo ka ge mme wa ka wa kgale a be a fela a re, “O ka se hwetše madi go tšwa go thenipi,” gobane ga go ne madi ka go yona. Bjale, seo ke selo sa go swana.

¹⁴⁰ Gomme e golofatša tumelo ye nnyane ye o nago nayo. Loto o kgonne go bona matsaka, eupša ga se a be le tumelo ya go lekanelo go bona mollo woo o tla senyago matsaka a mabjalo.

¹⁴¹ Ke a makala ge eba re na le, lehono. Ke a makala ge eba rena, gabotse, bjalo ka basadi ba ba nyakago go tsebalega, bao ba nyakago go itshwara boka ba—ba basadi ka moka ka kerekeng, ge ba bona gore ba nyaka go—go itshwara boka ka moka. Ba—ba kgona go bona dikgonagalo tša go ba mo—mo—mo mosadi yo mobotsana, ka go pentwa. Ba kgona go bona mosadi yo mobotsana ka go ba le ponagalo ye boswana, ka go kota moriri wa bona le go dira boka bangwe ba ba bangwe, goba naletšana ya mobi. Eupša ke a makala ge eba seo ga se se golofatše tumelo ya bona, go tseba gore Beibele e bolela gore, “mosadi o dira seo ke wa go se hlomphe- mosadi wa go se hlomphege,” gomme, “mosadi yo a aparago seaparo sa go swana le sa monna, ke makgapa pele ga Modimo,” diseleka, le go ya pele, le dišothi tšebo ba di aperego. Gomme—gomme e no ba matswabadi bjalo go fihla e eba setlwaedi sa tlwaelo sa batho ba se dirago. Ke a makala ge eba ga ba golofatše yona tumelo ye nnyane yeo o bilego le yona, ebile le go ya kerekeng, le a bona. Seo ke selo se se dirago.

¹⁴² Loto o dirile seo, gomme se mo golofaditše, gomme se golofaditše batho ba gagwe tlase kua. Ga se ba kgona go e bona.

¹⁴³ Eupša Abraham, ka ya—ya go hlatselwa tumelo, rangwane wa gagwe, ga se a lebelela go matsaka, ga se a nyake selo go dira le wona, le ge a ile a swanelo go phela ka bothata le go phela go yenamong. Gomme Sarah o be a dula ntlo ka lešokeng moo go bego go le go goga boima, mobung wa moopa. Eupša ga se ba bona matsaka goba dikgonagalo tša go tuma.

¹⁴⁴ Sarah, mosadi yo mobotsebotse kudu ka nageng, Beibele e boletše bjalo. O be a le yo mobotse, yo mobotsebotse go basadi bohle. Gomme bjale ebile o dutše le go obamela monnamogatša wa gagwe, go fihla ebile o mmiditše wa gagwe “morena,” yo Beibele e mo šupago, thwi godimo ka go—ka go Testamente ye Mpsha; o rile, “Yo le lego barwedi ba gagwe, ge feela le obamela tumelo.” Le a bona, o biditše monnamogatša wa gagwe “morena.”

¹⁴⁵ Gomme Morongwa wa Morena o etela tempele ya bona le goba tente ya bona ye nnyane ntlo kua, le go ba botša. Ebile ba be ba se ne ntlo go phela ka go yona; go phela ntlo ka go dinaga tša boopa. Gomme ke lena bao. Le bona letšatši le phethennwe morago gape, feela tlwa boka le bile nako yela?

¹⁴⁶ Bjale, Moshe ka tumelo ya gagwe ye kgolo, gape, o kgonne go re “aowa” go dilo tša bjale tša lefase la bjale, le go dira kgetho ya toko. O kgethile go tlaišega ditlaišego le batho ba Modimo. O kgethile go ya le yona. Gobaneng? Tumelo ya gagwe! O bone tshepišo. O bone nako ya bofelo. O bone mošola ka go gosasa, gomme o tlogetše tumelo ya gagwe go lokologa. Gomme ga se a ke a ela šedi go se mahlo a gagwe a se bonego ka go dikgonagalo

mo, gore o be a le farao gomme o be a eya go ba farao. O lebeletše thwi godimo ka go gosasa.

¹⁴⁷ Oo, ge batho ba ka no kgora go dira seo, ga se ba bona lefase la bjale. Ge o lebelela lefase la bjale, o dira kgetho le lona. Uta mahlo a gago go tloga go leo, gomme o lebelele tshepišo ya Modimo, godimodimo ka go gosasa.

¹⁴⁸ Ka tumelo ya gagwe o kgonne go kgetha. O ile a kgetha go bitšwa morwa wa Abraham, gomme a gana go bitšwa morwa wa Farao. O be a ka kgora bjang, ge wohle mmušo ka moka... Egepete e be e na le lefase le hwiphintšwe. O be a le kgoši ya lefase, gomme o be a le lesogana la mengwaga ye masomenne bokgale, mo a loketše go tsea terone. Eupša ga se a tsoge a lebelela go bja gagwe bohl-...

¹⁴⁹ Lebelelang basadi ba ka be ba ile ba robala go mo dikologa, letšatši ka letšatši, seboto sa bona. Lebelelang matsaka; go dula le go nwa beine, le go bogela bommaletasa pele ga gagwe, ge ba be ba bina, gomme ba mo fothela ka... Gomme basadi go tšwa gohlegohle lefaseng, le mabje a bohlokwa le mahumo, madira a gagwe ntle fale. Selo se nnoši a bego a swanelo go se dira ke go dula le go ja dijo tša gagwe tše kaone, le go re, "Romelang... romelang madira a sekao sa nomoro ya *gore le gore tlase go semangmang*, tšeang setšhaba sela. Ke a dumela ke no se nyaka." Seo ke sohle a bego a swanetše go se dira. Go dula fale, gomme bona ba mo futhela, gomme a ahlamišitše molomo wa gagwe; a dumelala ba—ba go ratega, bommaletasa ba babotse ba letšatši leo, ba tshela beine ka molomong wa gagwe, ba mo leša dijo tša gagwe ka matsogo a bona go mo dikologa, bohle basadi ba ba botsebotse lefaseng. Matsaka ohle ao a bilego, a be a robetše thwi fale hleng le yena.

¹⁵⁰ Eupša o dirile eng? O lebeletše thoko go tloga go seo. O tsebile gore mollo o be o le fao o loketše seo. O tsebile gore lehu le be le robetše ka mothalong woo. Le a bona? O tsebile gore le be le le. Gomme o lebeletše godimo go sehlopha sa batho ba ba nyaditšwego le go ganwa, gomme ka tumelo o kgethile go tlaišega kgobogo ya Kriste, gomme a ipitša yenamong, "Ke nna morwa wa Abraham. Ga ke morwa wa farao yo. Le ge le ka ntira pišopo, goba motikone, goba mopišopomogolo, goba mopapa, ga ke morwa wa selo se. Ke nna morwa wa Abraham, le go ikaroganya nnamong go tloga go dilo tša lefase." Amene, amene, le amene! Ka tumelo, o dirile seo!

¹⁵¹ O tlošitše matsaka. O tšere dikgonagalo tša go ba pišopo yo a latelago, o tšere di—di dikgonagalo tša go ba mopišopomogolo yo a latelago, goba mookamed pharephare yo a latelago go dikgetho tše di latelago, goba eng kapa eng e bego e le sona, o tlošitše seo. O ganne go se lebelela.

¹⁵² "Bjale, ge ke eba pišopo, ke tla sepelela ka gare gomme batho ba re, 'Tate yo Mokgethwa,' goba—goba 'Ngaka *Semangmang*,

goba—goba—goba—goba ‘Mogolo *Semangmang*.’ Ka fao ba tla, badiredi bohle kua kgobokanong, ba tla mphaphatha mo mokokotlong, le go re, ‘E re, mošemané, mothaka yola o ne se sengwe, ke a go botša. Oo, š-š-š-š, homolang, pišopo šo o etla, le a bona. Se a se bolelago, woo ke molao. Le a bona, mo go tla *Semangmang*.’’ Batho ba tla fofela godimo ga lefase go ba... go bona mopapa, le go atla leoto le palamonwana, le go ya pele. Ka fao, a kgonagalo go Katoliki, a kgonagalo go Protestant, go ba pišopo goba mookamedí pharephare, goba se sengwe, monna tsoko yo mogolo ka mokgatlong.

¹⁵³ Go lebelela, go le bjalo, eupša, le a bona, leihlo la tumelo le lebelela ka godimo ga bogodimo bja seo. Gomme o bona bofelo bja yona tlase kua, e lego, Modimo o re selo sohle se tla senywa. Tumelo, leihlo lela la ntšhu, le go kukela godimo ka godimo ga seo, gomme o bona gosasa, e sego lehono, le go kgetha go bitšwa morwa wa Abraham.

¹⁵⁴ Farao, a se ne tumelo, o bone bana ba Modimo bjalo ka “mahlanya.” Ga go tumelo, o ba dirile makgoba gobane o be a sa fšege se a se boletšego. O be a sa boife Modimo. O naganne gore o be a le modimo. O naganne badimo ba gagwe—ba gagwe bao a ba diretšego, gore o be a le pišopo, o be a le hlogo mookamedí pharephare, badimo ba gagwe ke bona bao ba e dirilego. “Ga go selo go Selo se *fa*,” kafao o ba dirile makgoba. O ba segile, o dirile metlae ka bona. Feela bjalo ka ge batho ba dirile lehono, selo sa go swana tlwa.

¹⁵⁵ Tumelo ya Moshe e ba bone ka nageng ya tshepišo, batho ba go šegofala. E ka no ba ntwa ye thata go ba iša go tshepišo, eupša Moshe o kgethile go ya le bona. Ka fao nka kgonago go robala godimo ga seo, eupša nako ya ka e a tšhaba. Le a bona?

¹⁵⁶ Elang hloko, e ka no ba selo se sethata go retolla batho bao go dikologa. “O swanetše go ya go phela le bona, o swanetše go ba yo mongwe wa bona, gomme ba šetše ba le bohlale kudu go fihla o sa kgone go ba šuthiša. Le a bona? Eupša fao go swanetše go ba selo se sengwe se diregago ntłe kua. Fao go swanetše go ba tšhupetše ya kagodimogatlhago pele ga bona. E ya go ba selo se sethata. Mekgatlo e tla go gana, le dilo tšohle tše di tla direga. Go—go—go a ſhiša, se o swanetše go se dira, eupša efela dira kgetho ya gago.”

¹⁵⁷ “Ke nna yo mongwe wa bona.” Ya. Tumelo ya gagwe e dirile seo. Tumelo ya gagwe e dirile tlhase. Ee, mohlomphegi. O e bone. E be e le selo se sethata go ba iša go tshepišo yela, eupša o tšere kgetho ya gagwe go ya le bona, go le bjalo. Go sa kgathale ka se ba se dirilego go yena, le se ba mo gannego, o ile go le bjalo. O be a eya ntłe le bona.

¹⁵⁸ Bjale ke a holofela le a bala. Go lokile. Eya le bona, go le bjalo. Dira, eba yo mongwe wa bona, yeo ke nnete, gobane ke

mošomo wa gago. E ka no ba ntwa ye thata, le bontši go ya go kgabola, eupša eya go le bjalo.

¹⁵⁹ Eupša tumelo ya gagwe e mo etile pele go tšea kgetho ya Lentšu, gomme e sego matsaka. O tšere Lentšu. Seo ke se tumelo ya Moshe e se dirilego. Ge tumelo e lebelela go ye mpempe ya Modimo... Elelwang, matsaka a ba a le fa bjale, lefase, a godimodimo, kgoši ya lefase. Gomme tshepišo ya Modimo e be e le kae? Ka moleteng wa leraga, badubaleraga.

¹⁶⁰ Eupša ge tumelo, ge tumelo e lebelela go se sebesebe sa Modimo, e se sema se segolwane le se bohlokwa kudu go feta se sekaoekaone lefase le ka kgonago go se bontšha. Ee, mohlomphegi. Ge tumelo e lebelela, ge tumelo e ka kgonago go le bona, ge tumelo ka go Lentšu e ka kgonago go bona Lentšu le dirilwe go bonagatšwa, ke bontši go bona go feta matsaka ohle le bopišopobogolo le se sengwe le se sengwe gape o ka boleLAGO ka sona. Tumelo e a e dira. Le a bona? O ka kgonago go bona se sebesebe, sa go nyatšwa, sa go ganwa, eng kapa eng se ka bago sona; a nke se be se sebesebe go sonamong, gomme efela tumelo e tla sema seo dimaele tše milione godingwana go feta se sekaoekaone lefase le ka kgonago go se tšweletša. Amene! Yeo ke tsela ye re opelago pina yela, “Ke tla tšea tsela le banyatšiwa ba se bakae ba Morena.” Le a bona? Oo, nna!

¹⁶¹ Ka gore, le a bona, tumelo e bona se Modimo a nyakago se dirwa. Oo, ke a holofela se se ya ka gare. Tumelo ga e lebelele go nako ya bjale. Tumelo ga e bone se *mo*. Tumelo e lebelela go bona se Modimo a se nyakago, gomme e šoma go ya ka ka sona. Seo ke se tumelo e se dirago. E bona se Modimo a se nyakago, le se Modimo a nyakago se dirwa, gomme tumelo e šoma ka seo.

¹⁶² Tumelo ke pono ye telele ya molokoloko. Ga e theoše dipono tša yona. E swareletše go senepša. Amene! Mothunyi e ka ba mang yo mokaone o tseba seo. Le a bona? Yeo, ke molokoloko o motelele. Ke—ke telesekoupo. Ke ferekeikere, ye o sa lebelelego tikologong *mo*. Ga o šomiše diferekeikere go lebelela go bona gore ke nako mang; le a bona, ga o šomiše tseo. Eupša o šomiša diferekeikere go lebelela kgolekgole.

¹⁶³ Gomme tumelo e dira seo. Tumelo e topa diferekeikere tša Modimo, bobedi bja tšona, mahlakore a mabedi, Testamente ye Mpsha le ya Kgale, le go bona tshepišo ye nngwe le ye nngwe yeo A e dirilego. Gomme tumelo e bona ntle mošola, gomme tumelo e kgetha yeo go sa kgathale se lebakala bjale le se boleLAGO *mo*. O lebelela bofelong. Ga a theošetše dipono tša gagwe fase go lebelela ka tsela *ye*. O lebelela ntle mošola. O boloka lefelogare la go hwa godimo ga Lentšu. Seo ke se tumelo e se dirago. Yeo ke tumelo ye e lego ka go monna ye e dirago dilo tšeо.

¹⁶⁴ Bjale šetšang. Se Farao a se biditšego, sa pitšo, se Farao a se biditšego se *segolo*, Modimo o se biditše “makgapa!” Farao o be a ka kgonago go re, “Lebelela, Moshe, mo, gobaneng, o farao yo a

latelago. Ke—ke neela lepara le go wena ge ke tloga mo. Ke tla neela lepara le. Ke la gago. O a bona? Bjale, se ke se segolo. O ya go ba monna yo mogolo, Moshe. O ya go ba pišopo. O ya go ba *se, sela*, goba *se sengwe*. O se re tlogele. O dula fa.” Eupša, le a bona, o biditše *seo* se segolo, gomme Modimo o rile e be e le “makgapa!”¹⁶⁵

¹⁶⁵ Bjale, lena basadi naganang motsotsso, kafao, lena banna. Se lefase le se bitšago se *segolo*, Modimo o se bitša “ditšila.” A Beibele ga e re, “Ke makgapha go mosadi go apara seaparo sa go swana le sa monna”? Gomme o nagana gore o setswerere go e dira. Le a bona? O no pealatša nama ya mosadi go diabolo, gomme yeo ke phetho. Ka fao, o se ke wa e dira.

¹⁶⁶ Gomme lena banna ba le phelago ka morago ga dilo tša lefase, le go taboga le go kobega ka morago ga se! Gomme lena banna le se nago sebete sa go lekanelka lena go dira basadibagatša ba lena le dilo go tlogela go dira seo, dihlong go lena! Gomme le ipitša barwa ba Modimo lenabeng? Go lebega boka bosodoma go nna. Le a bona? E sego go gobatša maikutlo a lena, eupša go le botša Therešo. Lerato le a phošolla. Ka mehla le a dira. Mme a ka se hlokomele ngwana wa gagwe, gomme a le phošolla gomme a le phasola, gomme a le dira gore le hlokomele, ga se bontši bja mme go lona. Yeo ke nnete.

¹⁶⁷ Bjale, gomme šetšang se se diregago bjale. Moshe o bone se, ka pono ya gagwe. Gomme Farao o boletše gore, “Se ke se segolo.” Modimo o rile, “Ke makgapha.” Kafao Modimo... Moshe o kgethile se Modimo a se boletšego.

¹⁶⁸ Bjale, elang hloko, tumelo e bona se Modimo a nyakago le se bona. Le a bona? Tumelo e bona se Modimo a se bonago.

¹⁶⁹ Gomme go fa mabaka le dikwi go bona se lefase le nyakago le se bona. Elang hloko go fa mabaka, “Ka baka la eng, e no ba feela sekwi sa motho. E no ba—lebaka le nnoši leo *se... se ke...* Gabotse, a *se ga se no ba se sebotse?*” Le a bona? Seo e no ba tlwa, ge o šomiša dikwi tše di lego kgahlanong le Lentšu, o a bona, gona seo ke se lefase le nyakago o se bona.

¹⁷⁰ Eupša tumelo ga e lebelele seo. Tumelo e lebelela se Modimo a se boletšego. Le a bona? Le a tseba, le lahlela mabaka fase.

¹⁷¹ Go fa mabaka, sekwi sa go fa mabaka, go bona se lefase le nyakago o se bona: kerekeleina ye kgolo. Gabotse, a o Mokriste?

“Oo, ke nna—ke nna Mopresbyterian, Momethodist, Molutheran, Mopentecostal, eng go feta. Ke nna *se, seo*, goba *se sengwe*, le a bona.”

Tše, tše ke dikwi.

“Ke nna wa kereke ya mathomo, le a bona. Oo, ke nna Mokatoliki. Ke nna—ke nna *se, sela*, le a bona.”

O bolela seo. Bjale, tše, tše ke dikwi. O rata go bolela seo ka gore ke kerekeleina, se sengwe se segolo.

"Gabotse, re—re—re ne maloko a mantši, go nyakile, go feta kereke e ka ba efe ka lefaseng, le a bona. Re . . ."

¹⁷² Eupsa go na le Kereke e tee feela ya kgonthe, gomme ga o E tšoene. O tswalelwka go Yona. Le a bona? Gomme ge o tswetšwe ka go Yona, Modimo yo a phelago o šoma ka Boyena ka wena, le go itira ka Boyena go tsebjja. Le a bona? Fao ke mo Modimo a dulago, ka Kerekeng ya Gagwe. Modimo o ya Kerekeng letšatši le lengwe le le lengwe, o no phela ka Kerekeng. O phela ka go wena. Wena o Kereke ya Gagwe. Wena o Kereke ya Gagwe. Wena o Tabarenekele yeo Modimo a dulago ka go yona. Wena o Kereke ya Modimo yo a phelago, ka bowena. Gomme ge Modimo yo a phelago a phela ka go sephedi sa Gagwe se se phelago, gona tiro ya gago ke ya Modimo; ge e se yona, gona Modimo ga a gona ka fale. O be a ka se go dire o dire ka mokgwa woo, ge A re ka go Lentšu mo, polane ya Gagwe, "O se ke wa e dira," gomme o ya go e dira. Le a bona, yeo ke phošo. Ge o e gana, gona seo se bontšha Bophelo ebile ga bo ka go wena. Le a bona? Yeo ke nnete.

¹⁷³ Tumelo e etilepele Moshe go ya tseleng ya go obamela. Elang hloko, Moshe o dira . . . Fale go Farao yo moswa, fale go Moshe yo moswa, bobedi bja bona ka sebakabotse. Moshe o bone kgobogo ya batho, gomme a e sema go ba mahumo a magolwane go feta ohle Egepete e bego e na le wona. Gomme yena, a hlahlwa ke tumelo, o latetše se tumelo ya gagwe e se boletšego ka go Lentšu, gomme e mo hlahlletše go tsela ya go obamela, gomme mafelelong go ya Letagong, go se hwe, go se tsoge wa hwa, ka Bogoneng bja Modimo. Go bona le dikwi, go hlahlwa, le matsaka, go hlahlela Farao lehung la gagwe, le tshenyego ya Egepete, setšhaba sa gagwe, gomme ga se sa tsoge sa tla morago ge e sa le.

¹⁷⁴ Ke lena bao. Lebelela *se*, o a hwa. Lebelela Lela, o a phela. Bjale dira kgetho ya gago. Seo ke selo sa go swana Modimo a se beilego pele ga Adama le Efa, ka serapeng sa Edene. Le a bona? Ka tumelo, o swanetše go dira kgetho ya gago.

¹⁷⁵ Bjale elang hloko, go bona go išitše Farao pele go lehu la gagwe, le go tshenyego ya toropokgolo ya gagwe.

¹⁷⁶ Moshe, ka tumelo ya gagwe, ga se a ke a boifa Farao. Le a bona? O be a sa tshwenyeye ka se Farao a se boletšego. Ga se a tshwenyega ka Farao, go no swana le mmagwe le papagwe ba tshwenyegile ka ditšhošetšo tša bona. Ge Moshe a tiišetšwa go yena, gomme o be a le motho yola yoo wa go hlakodiša Egepete . . . goba a etapele Israele go tšwa Egepete, ga se nke a tshwenyega ka se Farao a se boletšego. O be a se a mo tšhoga. Amene, amene, amene! Le bona se ke se rago?

¹⁷⁷ Ga go na poifo ka go tumelo. Tumelo e tseba ka ga yona. Tumelo, bjalo ka ge ka mehla ke boletše, e na le digoba tše kgolo, le meriri godimo ga sefega. Tumelo e rile, "Homola!" gomme yo mongwe le yo mongwe o a homola. Yeo ke phetho. "Ke tseba moo ke lego!"

Ka moka ga bona ba re, “Gabotse, gona, mohlomongwe o a dira.” Le a bona?

¹⁷⁸ Eupša o swanetše go ema gomme o bontšhe digoba tša gago. Yeo ke phetho. Tumelo e a e dira.

¹⁷⁹ Elang hloko, Moshe ga se a ke a boifa Farao ka morago ga ge Modimo a hlatsetše pitšo ya gagwe. Ge Moshe a dumetše o be a bileditšwe seo, eupša ge Modimo a mmoditše godimo kua, “Go bjalo,” le go tla fase le go laetša pele ga Farao, le bohole ka moka ga bona, gore o be a romilwe go e dira, Moshe ga se a ke a tshoga Farao.

¹⁸⁰ Elang hloko, Farao o šomišitše bohlale bja gagwe go Moshe, go le bjalo. Šetšang. O rile, “Ke tla le botša eng, ke—ke tla dira kwano le wena.” Ka morago ga ge dikotlo di mo jele, o rile, “Ke tla dira kwano le wena. O no ya bakeng sa thapelo ye nnyane, matšatši a mararo. E no ya bokgole bjoo, gomme o se ye kgojana.” Eupša, le a tseba, di . . . Tšeо e be e le dikwi tša Farao di mmoditšego seo, le a bona, “O no ya bokgole bjo, gomme o se ye kgojana.”

¹⁸¹ A ga re na mohuta woo lehono? “Ge o no tšoena kereke, seo se lokile.”

¹⁸² Eupša, le a tseba, tumelo ye Moshe a bilego le yona ga se e dumela ka go bja “bokgole bjo” bodumedi. O rile, “Bohole re a tloga. Re ya tsela yohle.” Yeo ke nnete. “Re ya nageng ya tshepišo. Re no se ye ntle mo le go dira kerekelina, le go ema. Re ya pele go kgabola.” Amene. “Ke ya pele go naga ya tshepišo. Modimo o re tshepišitše.”

¹⁸³ Ke boFarao ba bakae re nago le bona lehono ba emego ka phuluphithing, dihlogo tša mekgatlo! “Bjale, ge le ka no dira se, le go dira sela, yeo ke phetho. Gabotse, le a bona, feela bokgole bjoo.”

Eupša Moshe o rile, “Oo, aowa! Aowa, aowa! Aowa, aowa!” Le a bona?

¹⁸⁴ Farao o rile, “Gabotse, gabaneng o sa? Ge o eya go ba le mohuta wola wa bodumedi, ke tla go botša se o se dirago: Feel a wena le bagolo eyang go rapela, le a bona. Feel a wena le bagolo eyang go rapela. Gobane, lena bohole le ka ba le mohuta wola wa bodumedi, eupša le se bo iše magareng ga batho.”

¹⁸⁵ Le tseba se Moshe a se boletšego? “Go ka se be le ge e ka ba tlhako ye e tlogetšwego morago. Re ya tsela yohle. Bohle re a ya! Ga ke ye ntle le ge ba eya. Gomme, ge feela ke le mo, ke diatleng tša lena.” Amene. “Ga ke ye ntle le ge ba ka kgona go ya le bona, gomme seo ke phetho.” Oo, a mohlanka wa mogale! Amene. “Ke nyaka go ba tšea le nna. Feel a gobane ke na le yona, gomme ke dula fase gomme ka re, ‘Gabotse, bjale, se se lokile?’ Aowa, mohlomphegi. Re nyaka batho, gape. Yo mongwe le yo mongwe wa rena o a ya.” Amene. O rile, “Ebile ga re ye go

tlogela nku ye nngwe le ye nngwe, goba e ka ba eng, morago. Ga go ye go ba tlhako ye e šetšego morago. Bohle re ya go naga ya tshepišo.” Amene!

¹⁸⁶ “Yo mongwe le yo mongwe wa rena! Ge eba ke wena mosadi wa legae, goba ge eba o mo—mo mothepana yo monnyane, goba ge eba o mokgekololo, goba lesogana, goba mokgalabje, goba e ka ba eng o logo, re a ya, go le bjalo. Ga go ye go ba yo mongwe wa rena a šetšego.” Amene. “Yo mongwe le yo mongwe wa rena o a ya, gomme ga re ye go emiša selo gape.” Yeo ke therešo. Nna! Wona mabodumedi ka nnete a be a le ka ngangišanong fao, a e be e se yona? Oo, nna!

¹⁸⁷ Aowa, Moshe ga se a dumela go bjo fa bja “feela bokgole bjo” bodumedi. Aowa, ga se a dumela go bjoo. Huh-uh. Ee, mohlomphegi. Oo, nna!

¹⁸⁸ Re ka kgona go dula letšatši lohle go seo, eupša ke swanetše go fihla go sehlogo sa ka morago ga nakwana le go thoma go rera.

¹⁸⁹ Elang hloko, elang hloko se, go botse bjang! Oo, ke rata se. Le a tseba, mafelelong, Farao o rile, “Etšwang!” Modimo o nno mo otla, ka segalontšu sa Moshe. O rathile se sengwe le se sengwe. O dirile se sengwe le se sengwe fale se bego se swanetše go dirwa. O emišitše . . . o timile letšatši, mo bogareng bja mosegare. O dirile se sengwe le se sengwe gape. O—o fifaditše matšatši. O tlišitše digwegwe, matsetse, dinta, se sengwe le se sengwe gape, mollo, muši, le lehu go malapa a gagwe, le se sengwe le se sengwe gape. O dirile se sengwe le se sengwe go fihla, mafelelong, Farao o ile a swanelia gore a re, “Etšwang! Tšeang tšohle tše le nago natšo, gomme le sepele.” Oo, nna! Tumišo e be go Modimo!

¹⁹⁰ Ke thakgetše kudu gore motho a ka kgona go hlankela Modimo ka go felelela go fihla yena, diabolo, a sa tsebe a dire eng ka yena. Yeo ke nnete. E no obamela Modimo ka go felela go fihla diabolo a rile, “Oo, nna, tloga! Ga—ga ke sa nyaka go e kwa gape.” Yeo ke nnete. O ka e dira, ka go felelela bjalo.

¹⁹¹ Le a bona bjale, ge—ge Modimo a ka be a se a thekga Moshe, gona o be a tla ba sesegiši. Eupša Modimo o be a le thwi fale, a ttišetša. Se sengwe le se sengwe a se boletšego, se diregile.

¹⁹² Gomme Farao o ile a swanelwa ke go swara maemo a gagwe, ka baka la gore o be a le pišopo, le a tseba, ka fao o—o ile a swanelwa ke go dula fale. O be a ka se kgone go gana. O be a ka se kgone go re aowa, gobane e be e šetše e direga. Le a bona? O be a ka se kgone—o be a ka se kgone go e gana, gobane e be e šetše e direga. Kafao mafelelong o rile, “Oo, e no tšwa! Ga ke nyake go go kwa gape. Etšwa fa! Tšeang tšohle tše o nago natšo, gomme le sepele!” Oo, nna!

¹⁹³ Bjale re hwetša Moshe, fa, ka morago ga ge Modimo a mo diretše bontši bjalo, gomme o mmontšhitše maswao a mantši kudu le matete. Bjale, lebaka la metsotso ye lesometlhano ya

go latela, a re beeng se fase mo. Gomme šetšang sekgauswi ka kgonthé. Moshe o tla go lefelo le moo a . . .

¹⁹⁴ Modimo o rile, "Ke na le wena. Mantšu a gago ke Lentšu la Ka. Ke le netefaditše go wena, Moshe. Wena, ge go be go se dintšhi ka nageng, e be e le ka ntle ga sehla, gomme o rile, 'A go be dintšhi,' gomme fao gwa tla dintšhi." Yeo ke tlholo. Ke mang a ka tlišago leswiswi godimo ga lefase, eupša Modimo? O rile, "A go be leswiswi," gomme go be go le leswiswi. "O rile, 'A go be le digwegwe,' gomme digwegwe ebile di tsene ka ntlong ya Farao, ka mepeteng, gomme ge ba di pakile godimo ka mekgobo ye megolo." Mohlodi! "Gomme Ke boletše ka wena, Moshe, gomme—gomme ke dirile Lentšu la Ka go hlola ka dipounama tša gago. Gabotse Ke go dirile modimo pele ga Farao." Ee, mohlomphegi. "Ke dirile tšohle tše."

¹⁹⁵ Gomme šeba ba tla go lefelo, moleko wo monnyane o tla godimo, gomme Moshe a thoma go lla, "Ke tla dira eng?"

¹⁹⁶ Ke nyaka le ele hloko. Ye ke thuto ye kgolo fa bjale. Ke rata ye, le a bona. Le a bona, Moshe, ge re bala fa thwi, gore Mo- . . . Ge, bana ba thoma go tšhoga, ba bone Farao a etla ka morago, ka mothalong wa mošomo.

¹⁹⁷ Modimo o be a dirile se sengwe le se sengwe ka go phethagala. Bjale O ba thomile leetong la bona. O na le kereke mmogo. Ba bileditšwe ntle. Ba tšwa go kerekeliya ye nngwe le ye nngwe. Bohle ba tlide mmogo. Moshe o be a ile morago kua, gomme a re, "Morena, ke dire eng?"

¹⁹⁸ O tla re, "Gabotse, eya o dire *se*." Go lokile, eya pele. "Bjale, Moshe, o a tseba Ke go bileditše go dira se."

"Ee, Morena."

¹⁹⁹ "Go lokile, eya o bolele *se*, gomme se tla ba," dintšhi šedi di a tla. "Bolelela *se*," gomme sese se a tla. "Dira *se*," sese se a tla. Se sengwe le se sengwe e be e le O RIALO MORENA, O RIALO MORENA, O RIALO MORENA! Bjale o tsena ka bothateng . . .

²⁰⁰ Gomme Modimo o rile, "Bjale Ke ba dirile ba thome leetong la bona. Bohle ba bileditšwe ntle. Kereke e mmogo, kafao ke na le bona leetong la bona. Bjale, Moshe, ba tseele pele mošola. Ke go boditše go dira. Ke ya go dula fase le go khutša lebakana."

²⁰¹ Moshe o rile, "O Morena, lebelela go a tla, mo go tla Farao! Batho bohole ba . . . Ke swanetše go dira eng? Ke swanetše go dira eng?" Le a bona fale, a seo ga e no ba batho? Ee, mohlomphegi. Ba thoma go lla, "Ke swanetše ke dire eng?"

²⁰² Fa re bona Moshe a hlagiša, tlhago ya motho ka botlalo, ka mehla o nyaka Modimo go tsena ka morago ga gago le go go kgoromeletša ka go se sengwe. Bjale, bao ke rena lehono. O nyaka Modimo, morago ga ge re bone tšohle re di bonego, efela o nyaka Modimo go go kgoromeletša go dira se sengwe. Le a bona?

²⁰³ Moshe o be a sa tšwa go iketla, o rile, “Modimo, ke tla ya go Go botšiša, go bona se O se bolelago. Ya, ya, O a se bolela. Gabotse, go lokile, ke tla se bolela, le nna.” Le a bona?

²⁰⁴ Eupša mo Modimo o mmeetše mošomo, o netefaditše gore O be a na le yena. Gomme yena šo, seemo se a tla godimo, gomme morago o thoma go lla, “Ke dire eng? Morena, ke dire eng?”

²⁰⁵ Bjale le a elelwa, o be a šetše a profetile mo, ka gore o rile, “Baegepeta ba bao le ba bonago lehono, le ka se sa bona gape.” Gomme ka gona ka pela a thoma go llela, “Modimo, re ka kgona go dira eng?” Le a bona? Ka morago ga ge a dirile mošomo wo mobotse wa go profeta fale. Le a bona, o be a šetše a ba boditše se se tla diregago. Ge Lentšu la Modimo le be le le ka go yena, Le be le le ka go yena. Gomme ge a be a bolela seo, gabotse se tlile go phethega. Se a se boletšego se be se šetše se eya go tla go phethega, gomme šo o be a llela, “Ke ya go dira eng?”

²⁰⁶ Oo, ge bao e se batho! Ge yoo e se nna! Ge yoo e se nna! Le a bona?

²⁰⁷ O be a šetše a netefaditše, “Se o se bolelago se tla direga. Ke na le wena.”

²⁰⁸ Gomme fa seemo se tsogile mo nakwaneng. “Ke swanetše ke dira eng? Ke swanetše ke dire eng, Morena? Hei, Morena, O kae? Hei, a O nkwa? Ke swanetše ke dire eng?” Gomme O be a šetše a mo hlomamišitše, le go mo hlatsela, le go netefatša le go šoma se sengwe le se sengwe ka yena. Gomme fa, “Modimo?” Oo, nna! Go hlagiša ka bottalo, motho o nyaka go khutša le go dumelela Modimo go dira go kgorometša.

²⁰⁹ Gomme, efela, o be a tseba gore Modimo o be a mo tloditše bakeng sa mošomo wo, go dira wo, gomme Modimo o be a hlatsetše ka go hlaka ditleleimi tša gagwe. E be e le nako ya batho go hlakodišwa. Modimo, ka mehlolo le matete a gagwe, o be a ba gogetše bohole mmogo ka go sehlopha se tee. Le a ntatela? A ba tliša bohole mmogo ka go sehlopha se tee, a hlatseditše ditleleimi tša gagwe. Lengwalo le boletše bjalo; leswao e be e le le, bohlatse bo be bo le fa, se sengwe le se sengwe seo a se boletšego. Ka gona o tlile magareng ga bona bjalo ka moprofeta. E ka ba eng, e ka ba eng a e boletšego, Modimo o e hlomphile, ebile le go hlola le go tliša dintšhi godimo, le go tliša dilo go beng gona. Gomme se sengwe le se sengwe A bego a mo tshepišitše, mo O se dirile.

²¹⁰ Eupša o be a nyaka go leta go O RIALO MORENA. Le a bona? A ka be a tsebile gore bjona bohlatse bja pitšo ya gagwe e be e le O RIALO MORENA. Mošomo wa gagwe wo a beetšwego wona e be e le O RIALO MORENA. A le kgona go e hwetsa? Mmm! Gobaneng a letile go O RIALO MORENA?

²¹¹ O be a nyaka, “Morena, nka kgona go dira eng? Mo ke tlišitše bana ba ntle mo, bokgole bjo. Seemo sese, Farao o a tla. Bohle ba

ya go hwa. Ke swanetše ke dire eng? Ke swanetše ke dire eng?”
Hum! Hum!

²¹² O be a šetše a akanyeditšepele se ba bego ba eya go se dira. O be a šetše a boletše feela tlwa se, go se dira. O akanyeditšepele bofelo bja sona setšhaba a godišitšwego ka go sona. Ke a holofela le a kwešiša. Huh? Moshe o be a šetše a rile, “Le ka se sa ba bona gape. Modimo o ya go ba fediša. Ba dirile metlae ka lena botelele go lekanela. Modimo o tla ba fediša.” O be a šetše a akanyeditšepele se se bego se tla direga go bona.

²¹³ Morago, “Morena, ke dire eng?” Le bona tlhago ya motho fao? Le a bona? “Ke dire eng? Ke ya go letela O RIALO MORENA.” Ee, mohlomphegi. “Ke tla bona se Morena a se boleago, morago ke tla se dira.” Huh!

²¹⁴ Elelwang, go be go le farao a tsogilego yo a bego a sa tsebe Josefa, le a tseba, ka nako yeo, thwi ka nako yeo. Le a bona? Le a bona? Gomme Moshe o eme thwi godimo gomme a akanyetšapele bofelo bja setšhaba sela.

²¹⁵ Gomme šo o be a le thwi go lefelo moo go bego go tla direga, morago o a goeletša, “Ke swanetše ke dire eng, Morena? Ke swanetše ke dire eng?” Le a bona? A bao ga se batho? A yeo ga e no ba tlhago ya motho? “Ke tla dira eng?” Huh!

²¹⁶ O be a šetše a, profetile. Modimo o be a hlomphile se sengwe le se sengwe a se boletšego, gomme o be a bileditšwe mošomo, kafao gobaneng a ile a swanelia go re, “Ke dire eng?” Fao go be go le tlhokego; go be go no ba godimo go yena go e bolela. Modimo o nyakile Moshe go bea mpho yela ya tumelo, yeo A mo filego, go ſoma. Modimo o be a e hlatseditše. E be e le Therešo.

²¹⁷ Gomme Modimo o nyakile Moshe, o nyakile batho, go bona gore O be a ne Moshe.

²¹⁸ Gomme yena, morago kua, o letile: A re, “Bjale, Morena, ke no ba lesea, a nke O mpotše bjale. Ya, ke tla ya go dira *se*. Ke na le O RIALO MORENA.”

“Ngwanešu, a seo ke O RIALO MORENA?”

“Ee, ee, Ngwanešu Moshe, seo ke O RIALO MORENA. Ya.”

“Go lokile, re e hweditše bjale, O RIALO MORENA.”

²¹⁹ Gomme e diregile. Ga se nke ya palelwa nako ye nngwe. Ga se nke ya palelwa.

²²⁰ Gomme še yona ka go maemo, e tla godimo gape. Bjale O mmeile mo leetong. Kereke e šetše e bileditšwe ntle, o ba tlišitše leetong, gomme ba sepelela godimo. Gomme Moshe a thoma go goelela, “Morena, a ke O RIALO MORENA? Ke swanetše go dira eng?” Go lokile.

²²¹ Modimo o nyakile Moshe go ba le tumelo, yeo A e beilego ka gare, ka go mpho yeo A bilego le yona ka go hlaka e—e hlatseditšwego. Modimo o netefaditše ka go hlaka go Moshe le

batho gore e be e le Yena, ka Lentšu le ka dilo tše di boletšwego di etla go phethega. E tsebagaditšwe ka go hlaka. Go be go se bohlokwa go yena go tshwenyega gape ka yona. Le a bona? Go be go se sa na bontši ka yena a nagana e ka ba eng ka yona, gobane e be e šetše e hlakišitšwe. O be a šetše a dirile dilo tše. Gomme o be a šetše a netefaditše, ka dintšhi le matsetse, gore o boletše dilo ka tlholong, gore Lentšu la Modimo le be le le ka go yena.

²²² Kafao šo o ya go botšiša bjale se a ka se dirago, ge maemo a letše thwi pele ga gagwe. Le a bona? Oo, nna!

²²³ Ke a holofela se se ya tlasetlase go rena, gomme re kgona go bona mo re lego. Le a bona? A ga e le dire le ikwele ka bogolo bjola? Go nagana ka Moshe a botša diphošo tša gagwe, le go lebelela tša rena. Ya. Le a bona?

²²⁴ O be a le mo, a eme kua, le a bona, o tsebile gore Mangwalo a boletše gore yeo e be e le iri le letšatši go seo go direga, le go tseba gore Modimo o kopane le yena ka go Pilara ya Mollo. Gomme E ile thwi tlase pele ga batho gomme e dirile mehlolo ye. Gomme se sengwe le se sengwe a se boletšego, se tlide sa phethega, ebile le go tliša dilo ka tlholong. Go dira dilo tše Modimo a nnoši a kgonnego go di dira, go bontšha gore segalontšu sa gagwe e be e le Segalontšu sa Modimo.

²²⁵ Gomme seemo se be se le fa le batho bale bao a bego a ba godiša, a ba tliša go naga ya tshepišo, gomme nako yeo o be a eme, a lla, “Ke swanetše go dira eng?” Yoo ke motho, o nyaka go no . . .

²²⁶ Bjalo ka ge Ngwanešu Roy Slaughter, ke a dumela o dutše kantle ga mojako fale, o mpoditše nako ye nngwe, ka yo mongwe a dira se sengwe go nna. Gomme ke rile, “Gabotse, ke dirile *se*, gomme bjale ke sela.”

²²⁷ O rile, “Ngwanešu Branham, ba dumelele ba ithekge godimo ga legetla la gago lehono, gomme gosasa o a ba rwala.” Gomme yeo e no ba tsela ye batho ba lego. Ba ithekga godimo ga legetla la gago lehono, gomme gosasa o a ba rwala.

²²⁸ Seo ke sona, seo ke se Moshe a bego a se dira. Modimo o ile a swanelo go mo rwala go bapa morago ga ge A mmeile le go e netefatša go e dira. Gomme batho ba be ba swanetše go be ba rile, “Moshe, bolela lentšu. Ke go bone o e dira *fale*. Modimo o go hlomphile kua, gomme o yo motee wa go swana lehono.” Amene. Le a bona? “E dire!” Amene. O be a swanetše go be a e tsebile, eupša ga se a ke. Go lokile. Feela bjalo ka ge go bile nako yela, go bjalo le bjale. Re hwetša, gore. Kafao O rile, “Mo- . . .”

²²⁹ Modimo o swanetše go no ba a bile le go pshirega ka yona. Modimo o swanetše go be a ile a befelwa ka yona. O rile, “Gobaneng o llela go Nna ka yona? A Nna ga se ka netefatša boitsebišo bja Ka? A Nna ga ka go botša gore Ke go rometše

bakeng sa mošomo? A Nna ga ka go botša go ya go dira se? A Nna ga se ka tshepiša gore Ke tla dira se, gore Ke tla ba le molomo wa gago, gomme Ke tla bolela ka wena gomme Ke tla dira se, gomme o tla bontšha maswao le matete? A Nna ga se ke tshepiše go e dira? A Nna ga se ka dira feela tlwa, le go senya lenaba le lengwe le le lengwe go tloga tikologong ya lena? Gomme ke wena yo o eme ntle mo bjale, ka Lewatleng le Lehurbedu, thwi ka mothalong wa mošomo, se Ke go boditšego go se dira, gomme ka gona o sa goeletša le go llela go Nna. A ga o Ntumele? A ga o kgone go bona gore Ke go rometše go dira se?” Oo, ge yoo e se motho! Nna! Kafao O swanetše go be a nno befelwa gabotse ka yona.

²³⁰ Gomme O rile, “O a tseba o e hloka. O a tseba ge o eya go tšeela bana ba godimo go ya nageng yela ya tshepišo, seo ke tlwa, o rakeletšwe godimo mo sekhetlong, ga go selo gape o ka kgonago go se dira. Kafao go ne tlhoko. O Ntelela ka eng? O Ntebeletše bakeng sa eng? O Mpiletšang? A Nna ga se ka e netefatša go batho? A Nna ga se ka e netefatša go wena? A Nna ga se ka e bitša? A ga se ya Lengwalo? A Nna ga se ka tshepiša go tšeela batho ba go ya nageng yela? A Nna ga se ka go bitša le go go botša gore Ke tla e dira? A Nna ga se ka bitša le go re Ke go rometše go e dira, gore e be e se wena, e be e le Nna? Gomme Ke tla ya tlase gomme Ke tla ba le dipounama tša gago, gomme e ka ba eng o e boletšego, Ke tla e hlatsatša le go e netefatša. A Nna ga se ka e dira?

²³¹ “Gona, ge selo e ka ba sefe se sennyane se etla godimo, gobaneng o itshwara boka lesea? O swanetše go ba monna. Bolela le batho,” amene, “ka gona sepelela pele!” Amene. Ke lena bao. “O se ke wa lla. Bolela!” Amene. Oo, ke rata seo. “Ke eng se o Ntelelago ka sona? E no bolela le batho gomme le ye pele go maikemisetša a lena. E ka ba eng e lego, ge e le bolwetsi, goba e ka ba eng e lego, go tsoša bahu, goba e ka ba eng e lego, bolela! Ke e netefaditše. Bolela le batho.”

²³² A thuto! A thuto, oo, nna, ka go legato le la leeto moo re emego. Lebelelang moo re lego bjale, ee, mohlomphegi, go Kgogedi ya Boraro. Elang hloko, re thwi fa mo lebatting, la go Tla ga Morena.

²³³ O be a tloditšwe bakeng sa mošomo, gomme o sa letile bakeng sa O RIALO MORENA. Modimo o swanetše go no ba a be a pshiregile ka yona. O rile, “O se sa lla gape. Bolela! Ke go romile.”

²³⁴ O Modimo, se Kereke ye e swanetše go ba sona mosong wo! Ka bohlatsa bjo bo phethagetšego bja Modimo, ka Pilara ya Mollo le maswao le matete, se sengwe le se sengwe go no swana le go bile ka matšatšing a Sodoma. O rile se tla bowa morago.

²³⁵ Lefase šele ka seemong sa lona. Setšhaba sesele ka seemong sa sona. Basadi šebale ka seemong. Banna šebale ka seemong.

Kereke šele ka seemong. Go na le se sengwe le se sengwe. Dielemente, maswao, dipiring tša go fofa le se sengwe le se sengwe ka mafaufaung, le mehuta yohle ya dilo tša sephiri, gomme lewatle le a rora, maphoto a phulawatle, pelo ya monna e sitwa, poifo, nako ye thata, tlalelo magareng ga ditšhaba, kereke e a wa.

²³⁶ Gomme monna wa sebe o a tsoga, yo a ipeilego yenamong ka godimo ga tšohle; yo a bitšwago Modimo, yo a dutšego ka tempeleng ya Modimo, a ipontšha yenamong, oo, nna, gomme o tlide go setšhaba se. Gomme kereke e kgatlofaditše, gomme bohle ba bona ba kgobokane mmogo, bjalo ka bommalegogwana go seotswa, le se sengwe le se sengwe tlwa ka tsela ya bootswa.

²³⁷ Bootswa, ke eng? Go botša basadi ba ka ripa moriri wa bona, go botša basadi ba ka apara dišothi, go botša banna ba ka kgona go dira se gomme ba ka kgona go dira *sela*; gomme bareri, ba dira se, le ebangedi ya leago le dilo. A ga le bone, ke go dira bootswa le Lentšu la Modimo la therešo!

²³⁸ Gomme Modimo o re rometše Lentšu la Gagwe la therešo, la go se dirwe kerekeline, ga go manti a bofeletšwego go Lona, le go re fa Pilara ya Mollo, Moya wo Mokgethwa woo o bilego le rena bjale lebaka la mengwaga ye masometharo. Gomme se sengwe le se sengwe seo A se akanyeditše pele le go se bolela, se diregile tlwa ka tsela ye A se dirilego.

²³⁹ Bolela le batho, gomme a re yeng pele. Amene. Re na le maikemišetšo, ao ke Letago. A re šutheleng go Yona. Re lebile go Naga ya tshepišo. “Dilo tšohle di a kgonega go bona bao ba dumelago.” “Bolela le batho. A Nna ga se ka e netefatša? A eibile Nna ga se ka ba le seswantšho sa Ka se dirilwe magareng ga lena, le se sengwe le se sengwe gape, le go dira se sengwe le se sengwe seo se kago go dirwa, go netefatša gore Ke na le lena? A dikgatišobaka, feela dibeke di se kae tša go feta, ga se tša rwala athekele, ge o boletše mo phuluphithing se se tla diregago ntile mo, gomme dikgwedi tše tharo pele ga fao, gomme šele e ile go direga le go hlatsela? Eibile le saense e tseba ka yona. Gomme se sengwe le se sengwe seo Ke se dirilego, gomme o sa letile. Bolela le batho gomme o ye pele go maikemišetšo a gago.” Amene.

²⁴⁰ A Nathane ga se a botša Dafida? Nathane, moprofeta, nako ye nngwe o dutše, o bona Dafida kgoši ye e tloditšwego, o rile, “Dira tšohle tše di lego ka pelong ya gago, gobane Modimo o ne wena.” O boditše Dafida, “Dira tšohle tše di lego ka pelong ya gago. Modimo o ne wena.”

²⁴¹ Joshua o be a tloditšwe go tšeа naga bakeng sa Modimo le bakeng sa batho ba gagwe. Letšatši le be le le le lekopana. O be a hloka nako ye ntši bakeng sa mošomo wo a bego a tloditšwe le go rongwa go o dira. Joshua, monna, o be a tloditšwe. Modimo o mmoditše, “Bjalo ka ge Ke be ke na le Moshe, Ke tla ba le wena.” Amene. “Naga yela, ke ya go e fa go bona. Gomme Ke

go nyaka o ye godimo kua le go swiela Baamaleke, le—le Bah- . . . Bohle—bole ba bangwe, Bafilisita le—le Baperese, le bole ba go fapano, ba swielele ntle. Ke na le wena. Ke tla . . . Ga go motho a tla emago pele ga gago, matšatši ohle a bophelo bja gago. Ga go motho a ka go tshwenyago. Eya pele ka fale.”

Gomme Joshua o khwamotše tšoša yela gomme o rile, “Ntatecheng!”

²⁴² Gomme o ile godimo kua, gomme šo o be a elwa. Gomme e be e le eng? O rakeletše lenaba. Ba be ba le dihlophana tše nnyane *mo* le dihlophana tše nnyane *fale*. Ge nako ya bošego e etla, bole ba tla tla mmogo le go kgobokana mmogo, le go tla ka kgapeletše ye kgolo kgahlanong le yena. Gomme letšatši le be le dikela. O be a hloka seetša se sentši. Letšatši le be le dikela. Ga se a wa ka matolo a gagwe gomme a re, “Morena Modimo, ke tla dira eng? Ke tla dira eng?” O boletše! O be a ne tlhoko. O rile, “Letšatši, sišimala!” Ga se a llela go lefeela. O laetše, “Letšatši, sišimala! Ke na le tlhoko ya se. Ke nna mohlanka wa Morena, yo a tloditšwego bakeng sa mošomo wo, gomme ke ne tlhoko. Sišimale, gomme o se phadime . . . Gomme, ngwedi, o lekelela moo o lego,” go fihla a lwele ntwa go kgabola le go hwiphinyetša selo ka moka fase. Gomme letšatši la mo obamela.

²⁴³ E sego go lla. O boletše le letšatši, o rile, “O a sišimala. Letšatši, lekelela fale! Gomme, ngwedi, dula moo o lego.” Ga se a lla, “Morena, bjale nka kgona go dira eng? Mphe seetša sa letšatši se sengwe gape.” O be a hloka seetša sa letšatši, kafao o le laetše, gomme letšatši le mo obametše. Oo, nna! O laetše letšatši go sišimala.

²⁴⁴ Simsone, motlotšwa, o emetše godimo, o beilwe ke Modimo, o filwe mpho ya maatla, o be a beetšwe go senya setšhaba sa Bafilisita. O beilwe, go tswalwa lefaseng, go tlotšwa ke Modimo, go senya Bafilisita. Gomme letšatši le lengwe ba mo swere ntle ka tšhemong, ntle le tšoša ya gagwe, ntle le lerumo. Gomme sekete sa Bafilisita bale ba bego ba itlhamele se kitimela godimo ga gagwe ka nako e tee. A o ile a ya fase gomme a re, “O Morena, ke letetše pono. O Morena, ke dire eng? Ntšhupetše bjale gore ke dire eng”? O tsebile o be a ne tlhoko. Ga se a hwetše selo eupša lerapo la mohlagare la kgale la mmoula, gomme o bethile Bafilisita ba sekete. Amene!

²⁴⁵ Ga se a ke a llela Modimo. O šomišitše mpho ya gagwe ye e tloditšwego. O tsebile gore o be a rometšwe bakeng sa mošomo. O tsebile o be a tswaletšwe seo. O tsebile o be a tloditšwe ka mpho, gomme o bethile Bafilisita ba sekete. Ga se a llela Modimo. Modimo o mmeetše le go hlatsela gore o be a le, ka dilo tše dingwe tše a di dirilego. Gomme o be a le wa go hlatselwa, mohlanka wa Modimo yo a tloditšwego, go senya Bafilisita, gomme o e dirile. Ga go kgathale se diemo di bilego, o e dirile. Ga se nke a botšiša selo. Woo e bile mošomo wa gagwe, wo Modimo a bego a šoma ka

yena, a topa lerapo lela la mmoula gomme a ya go itia Bafilisita. Ka fao . . .

²⁴⁶ Gobaneng, moratho o motee ka selo sela, go kgabaganya le tee le wona la intšhi le seripa sa mphiri magata boka *ale*, a ka be a rathagantše lerapo lela ka go diripa tše milione. Gomme o iteile sekete sa bona, gomme o ba bolaile, gomme a sa eme le lona ka seatleng sa gagwe.

²⁴⁷ Ga se a ke a botšiše dipotšišo. Ga se a lla. O boletše. O ba rakeletše. Oo, nna! “Tsea Mofilisita, a nka kgona go tsea Bafilisita, Morena? Ke—ke a tseba O nthometše go e dira, Morena. Ee, Morena, ke a tseba O nthometše go senya setšhaba se sa Bafilisita. Bjale fa, sekete sa bona go ntikologa, gomme ga ke ne selo. Ke eng—ke ya go dira eng bjale, Morena?” Oo, nna! Ga go selo se yago go mo tshwenya. O tloditšwe bakeng sa mošomo. Ga se gona se ka go kwešago bohloko. Aowa, ga go selo se tee. Haleluya! O nno tsea se a bilego le sona le go itia ka go bona. Yeo ke nnete.

²⁴⁸ Ge lenaba le mo tswaleletše ka gare, le rile, “Bjale re mo hwetša ka mabotong, re mo hweditše bjale. Re mo tlišitše ka gare fa le mosadi yo. Bjale re na le mojako o tswaletšwe, gohole go dikologa mogohle, gomme a ka se kgone go tšwela ntle. Re mo hweditše.”

²⁴⁹ Simsone ga se a lla, “O Morena, ba ntswaleletše ka gare ga kerekeleina ye.” Huh! “Uh, ke ya go dira eng? Ke ba tšoenne. Ke ya go dira eng?” Ga se nke a dira seo.

²⁵⁰ O nno sepelela ntle, gomme a gogela keiti fase, gomme a e bea godimo ga legetla la gagwe, gomme a sepelela kgole le yona. Amene! O be a tloditšwe bakeng sa mošomo. O be a biditšwe ke Modimo. Ba be ba se ba mo agelela ka gare. Aowa, ka nnete! O tšere dikeiti le yena. Ga se a rapela ka yona. Ga se a botšiša Modimo ge eba go e dira goba aowa. È be e le thwi ka mothalong wa mošomo. Amene, amene, amene! Thwi ka mothalong wa mošomo. “Gobaneng o Ntelela? Bolela, gomme o ye pele!” Amene! “Se lle. Bolela!” O ile a tlogela go tswinya le go tsetsela bjale. O swanetše go ba yo mogolo gó lekanelo go bolela. Yeo ke nnete. O tsebile mpho ya gagwe ya go tlotšwa ya maatla e kgonne go senya Mofilisita ofe kapa ofe yoo a emego pele ga gagwe. Amene.

²⁵¹ Eupša ga re tsebe seo, le a bona. Re sa le masea a mannyane, le ka lebotlelo ka molomong wa rena.

²⁵² O e tsebile, o tsebile gore Modimo o mo tsošeditše godimo bakeng sa morero woo, gomme go be go se selo se yago go ema pele ga gagwe, matšatši ohle a bophelo bja gagwe. Ga se gona se bego se ka kgona go mo senya. O be a godišeditšwe morero woo, boka Moshe a bile. Ga se gona se yago go mo thibela. Ga go Baamaleka goba ga go selo gape se ka kgonago go mo emiša.

O tseleng go ya nageng ya tshepišo. Simsone o tsebile o be a le tseleng.

²⁵³ Joshua o tsebile o be a tšeа naga. O be a hlatseditšwe. Lentšu la Modimo le e tshepišitše, gomme Moya wo Mokgethwa o be o le fao o e hlatsela.

²⁵⁴ O be a le tseleng ya gagwe, kafao go be go se selo se yago go ema tseleng ya gagwe. Aowa, mohlomphegi. Thwi ka mothalong wa mošomo, le Modimo, go be go se selo se yago go ema tseleng ya gagwe. Kafao o ile a no topa dikeiti gomme a di bea godimo ga legetla la gagwe, di imela e ka ba ditone tše nne goba tše tlhano, gomme a sepelela godimo ntlhoreng ya thaba gomme a dula fase godimo ga tšona. Ga go selo se yago go ema tseleng ya gagwe. O be a na le mpho ye e tloditšwego go tšwa go Modimo. O be a se a swanelo go lla, “Morena, ke dire eng bjale?” O be a šetše a tloditšwe go e dira. Seo e be e le O RIALO MORENA, “Ba fediše!” Haleluya! “Ba fediše! Ke go godišeditše morero woo.” Amene.

²⁵⁵ “Ke dire eng, Morena? Go lokile, ke ya go dira eng mo ka Lewatleng le Lehubedu?”

²⁵⁶ “A Nna ga se ka go botša gore Ke go fa thaba bakeng sa leswao ntle mo? O tla morago go thaba yela, gomme o ya go tšeela bana ba go ya nageng. A Nna ga se ka go biletša morero woo? O tshwenyega ka eng kapa eng gape e emago ka tseleng? Bolela, gomme thoma go sepela!” Amene le amene! “Ya, Ke go biditše bakeng sa morero wo.”

²⁵⁷ Dafida, o tsebile o be a tloditšwe, gomme o be a hlatsetšwe go ba mothunyi yo mokaone. O tsebile gore ba tsebile o be a le mothunyi yo mokaone. Dafida o be a tloditšwe. O a e tseba. Gomme ge a eme pele ga Goliate, ga se a ke a lla, “O Modimo, ke dire eng bjale? Ema, a ke swanetše—ke... Ke tseba se O se dirilego dinakong tša go feta. Wena, Wena o ntirile ke bolaye bera, gomme Wena o ntirile ke bolaye tau. Eupša go reng ka Goliate yo ntle mo?” Huh! Ga se nke a dira seo. O nno bolela. O boletše eng? “O tla ba boka di bile...?...” O boletše le go ya pele.

²⁵⁸ Ga se nke a rapela thapelo. Ga se nke a neela selo. O tsebile o be a tloditšwe. Amene. O be a tloditšwe, gomme seragamabje sela se netefaditše mohuta wa maleba wa selo. O bile le tumelo ka go tlotšo ya gagwe. O bile le tumelo gore Modimo a ka kgona go lebanya leswika lela thwi go otlologa ka bogareng bja helemete yela fale, moo lefelo le nnoši le bego le ka kgonago go itiwa. O be a eme fale.

²⁵⁹ O tsebile o be a le mothunyi wa maleba. Amene. O tsebile Modimo o mo dirile seo. Amene. O tsebile o be a bolaile tau, o tsebile o be a bolaile bera, eupša e be e le ka lefa la tatagwe la lefaseng. Lefa la Tate wa gagwe wa Legodimong šele! Amene. Ga se a ya fase, “A o swanetše... Ke swanetše ke dire eng bjale, Morena?” O boletše gomme o rile, “O tla ba bjalo ka tau le

bera, gomme šefa ke a tla.” Amene! Letago go Modimo! Ee, mohlomphegi. O boletše le go ya pele go gahlanetša Goliate yo. Oo, nna!

²⁶⁰ Go sa kgathale bogolo bja gagwe! O be a le yo monnyane, moisa wa go lebega bohubetšwana, le a tseba. O be a se yo mogolo kudu. O be a se yo mobotse kudu go mo lebelela, yo monnyane wa nthathana mohuta wa mothaka wa go gwamalala. Beibele e rile o be a le yo mohubetšwana. Bjale, go sa kgathale bogolo bja gagwe le bjo bo bitšwago bokgoni bja gagwe go dira bjalo.

²⁶¹ Le a tseba, mo—mo mopišopo o mmoditše, o rile, “Bjale lebelela mo, morwa, monna yola ke moithutamodimo. O a bona, ke molwi. O tswetšwe molwi gomme o . . . O bile molwi, go tloga bosweng bja gagwe; gomme ga o thaka ya gagwe.” Gomme bana babo ba rile, “Oo, wena selo sa go seleka, o tla ntle mo go dira selo se sebjalo ka seo, boela morago gae.”

²⁶² Seo ga se se mo tshwenye. Gobaneng? O tsebile o be a tloditšwe. “Modimo yo a nnamoletšego go tšwa go tau yela, Modimo yo a nthakodištšego go tšwa dinaleng tsa bera yela, O tla dira go feta fao, a nthakodiša go tšwa go Mofilisita yola. Mo ke a tla. Ke kopana le wena Leineng la Morena Modimo wa Israele.” Amene. Ga se a rapela go kgabola; o be a šetše a rapetše go kgabola. Modimo o mo rapedištše go kgabola pele ga motheo wa lefase. O be a tloditšwe bakeng sa mošomo. O be a swanetše go bolela le go ya pele. Seo ke sohle se bego se swanetše go dira ka yona, go no bolela le go ya pele. Oo, seo ke sohle se bego se le go yona. Oo! Ga se a . . .

²⁶³ E ka ba bana babo ba kerekelina, bona bakweri ba eme fale, le bona, le a tseba. Oo, ee. Ba be ba eme fale ba re, ba kwera le go dira metlae, gomme ba re . . . Bana babo, le a tseba, gomme ba re, “Aa, aa, aa, o ka se kgone. Wena, o no ba maselekane.” Seo ga se se mo šuthiše nthathana. “O nyaka go fapano go tloga go yo mongwe gape. O no nyaka go ba mpogeng.” Ge seo e ka be e be e le bompogeng, go ka be go bile bjalo. Eupša ba lebeletše feela lehlakoreng la bohlale.

²⁶⁴ Dafida o tsebile oli ya go tlotša e be e le godimo ga gagwe. Amene. Ga se go dire phapano e ka ba efe go yena. O rile, “Mofilisita yola o tla ba boka bera le tau, kafao ke nna yo ke a tla.” O e akanyeditšepele pele e direga. O dirile eng? O bolaile bera. O bolaile tau. O rathetše tau fase ka . . . Ka eng? Ka—ka seragamabje, le go tšeä thipa, gomme morago bera. Tau, o bolaile tau ka thipa. Seo ke selo sa go swana a se dirilego Goliate. O mo rathetše fase ka leswika, gomme a goga tšoša ya gagwe, gomme a kgaola hlogo ya gagwe mong, thwi fale pele ga yona. O akanyeditšepele eng pele e direga? “Gomme o tla ba bjalo ka ge di le.” Gobaneng? O boletše lentšu gore go be go tla ba, gomme morago o ile pele go le dira le phethagale. Amene. Oo, ngwaneš! O boletše, gomme a thopa seemo letšatšing leo.

²⁶⁵ Ge go kile gwa ba nako yeo motho a swanetšego go bolela, ke bjale. Go tswaleleng, feela metsotso e se mekae ya go latela ge le ka no kgona go kgotlelela metsotso e se mekae boteletšana. Ke na le dilo tše dingwe gape di ngwadilwe fase mo, Mangwalo a mangwe ke nyakago go ya go wona.

²⁶⁶ Petro ga se a ke a lla, ge a hweditše monna yo a bego a na le tumelo go lekanelo go fodišwa, a robetše kgorong ye e bitšwago ye Botse. Ga se a ke a ya fase gomme a ba le thapelo ya bošego bjhole, gomme, goba thapelo ya letšatši lohle, ye kgolo, thapelo ye telele, gomme a re, “Morena, ke a Go rapela bjale gore O tla thuša motho yo wa go šokiša. Ke a bona gore o na le tumelo. Ke a tseba ke modumedi. Gomme ke mmotšišitše, gomme o—o... Ke—ke—ke... O rile o bile le tumelo, o tla dumela se ke mmoditšego. Gomme ke mmoditše ka ga... ka ga se O se dirilego, gomme ke—ke no nagana bjale, Morena, gore—gore... A O ka kgona go mpha O RIALO MORENA bakeng sa gagwe?”

²⁶⁷ Aowa, o tsebile gore o be a le moapostola yo a tloditšwego. O tsebile gore Jesu Kriste o mo romile: “Fodišang balwetši, tsošang bahu, thakgafatšang balephera, lelekelang bodiabolo ntle. Bjalo ka ge le amogetše feela, efang feela.” O rile, “Petro, eya o dire seo!” O be a se a swanela go rapela go kgabol. O be a romilwe.

²⁶⁸ O boletše eng? O rile, “Ka Leina la Jesu Kriste!” O boletše Leina la Jesu Kriste, gomme monna o nno robala fale. Gomme a mo topela godimo ka seatla, gomme a re, “Emelela ka maoto a gago!” Gomme o mo swere fale go fihla marapo a dikokoilane tša gagwe a hwetša maatla, gomme o thomile go sepela. Gobaneng? Ga se nke a be le kopano ya thapelo ya bošego bjhole. Ga se nke a goeletša go Modimo. O tsebile phosithifi, go tšwa go dipounama tša Jesu Kriste, o be a tloditšwe bakeng sa mošomo wo. Ya. O boletše le go mo tsošetša godimo, ka gore o tsebile o be a le moapostola yo a tloditšwego bakeng sa morero.

²⁶⁹ Batho ba ba robetše ka moriting wa gagwe ga se ba ke ba re, “Oo, etla, moapostola Petro, gomme o goelele godimo ga rena, gomme o rapele thapelo ya tumelo bakeng sa rena, go Modimo.” Aowa, aowa, ga se ba tsoge ba bolela seo. Ba tsebile o be a le moapostola yo a tloditšwego le go hlatsetšwa wa Modimo. Kafao ba rile, “A re nong go robala ka moriting wa gagwe. Ga wa swanela go bolela lentšu. Re a le tseba. Re a le dumela.” Bophelo ka gare ga bona! Moapostola ga se a kgona go fihla go bona bohle. Gomme bona, ka bobonabeng, ke karolo ya yona.

²⁷⁰ Moshe o rile, “E no se be nna ke yago. Bohle re a ya.” Bohle re na le se sengwe go dira. Bohle re swanetše go tlotšwa.

²⁷¹ Gomme ba bone moapostola yola a eme fale, gomme ba mmone a fodiša motho wa go babja le go dira dilo a di dirilego. Ba a tseba o be a ka se kgone go fihla go bona. O rile, ga se nke ba re, “Petro, etla gomme—gomme o neele thapelo, le go leta bjale go fihla o hwetša O RIALO MORENA, gomme o tle o mpotše. Bona

se Morena a se bolelago.” Ba rile, “Ge feela re ka kgona go robala ka moriting wa gagwe, gobane yena Modimo yoo a bego a le ka go Jesu Kriste o ka go yena, gomme re bona selo sa go swana se dira. Kafao ba kgwathile morumo wa kobo ya Jesu gomme ba letše ka moriting wa Gagwe, gomme Jesu o ka go monna yo. Ge moriti wola o ka kgona go bonagatša godimo ga rena, re tla fodišwa.”

²⁷² Gomme Beibebe e rile yo mongwe le yo mongwe wa bona o fodišitšwe. Ga go kopano ya thapelo ya bošego bjohle, go re, “Morena, ge ke eya go robala ka meriting ya moapostola yo?” Aowa, ba e tsebile. Seetša se be se ba rathile. Dipelo tša bona di be di tletše. Tumelo ya bona e be e tlemolotšwe. Amene. Ba e dumetše. Ba be ba e bone. Disakatuku tša Paulo, tsela ya go swana.

Bjale, go tswaleleng.

²⁷³ Jesu ga se a ke a lla ge ba tlišitše mošemane wa segafa go Yena, yo a bego a na le bolwetši bja go wa dihwahwa, a wela ka mollong. Yena ga se nke a re, “Tate, Ke nna Morwa wa Gago, gomme bjale O Nthometše fa go dira *bjalo le bjalo, le bjalo*. A Nka fodiša mošemane yo?” Yena ga se nke a bolela. O rile, “Etšwa go yena, Sathane!” O boletše, gomme mošemane o dirilwe go welwa ke maruru.

²⁷⁴ Ge A kopane le Madira, ka bodiabolo ba dikete tše pedi ka go yena, e be e se Jesu a lla. E be e le bodiabolo ba goeletša, “Ge O eya go re lelekela ntle,” oo, nna, “re dumelele re ye ka mohlapeng wola wa dikolobe.”

²⁷⁵ Jesu ga se a ke a re, “Bjale, Tate, a Ke kgona go dira se?” O rile, “Ešwang go yena,” gomme bodiabolo ba tše mofofo wa bona. Nnete, O tsebile gore O be a le Mesia.

²⁷⁶ Mo lebitleng la Latsaro, o be a hwile matšatši a mane. Ba rile, “Ge nkabe O be o le mo, Morena, a ka be a se a hwa.”

²⁷⁷ O rile, “Ke nna tsogo le Bophelo.” Amene! E sego kae, neng, goba bjang. “Yo a dumelago ka go Nna, le ge a be a hwile, go le bjalo o tla phela.” Amene. O tsebile O be a le Mang. O tsebile se A bego a le sona. O tsebile gore O be a le Imanuele. O tsebile O be a le tsogo. O tsebile O be a le Bophelo. O tsebile gore ka go Yena go dutše bottlalo bja Modimohlogo mmeleng. O bone bona batho ba bannyane fale, gomme O be a bone seo Modimo a Mmoditšego go se dira nako yeo, gomme O be a le fale. O ile tlase kua.

²⁷⁸ Ga se A ke a re, “Bjale, ema, Ke tla khunama fase mo. Lena bohole khunamang fase gomme le rapele.” O rile, “A le a dumela gore Ke kgona go dira se?” Amene. O se kgopetše.

²⁷⁹ E be e se Yena; e be e le bona. “Ya, Morena, ke a dumela gore O Morwa wa Modimo yo a bego a swanetše go tla lefaseng.” Oo, nna! Šole O a tsebagatšwa. Se sengwe se swanetše go direga.

²⁸⁰ “Latsaro, etla pele!” O boletše, gomme monna wa go hwa a tla pele. E sego, “a Nka kgona?” O nno bolela. Ge tumelo e kgotsofadiršwe, selo se diregile.

²⁸¹ O a bolela, O boletše, gomme difofu di bone, digole di sepetše, difoa di kwele, bodiabolo ba goeeditše le go tšwela ntle, bahu ba tsošitše, se sengwe le se sengwe. Gobaneng? Ga se A rapela go kgabola. O be a tloditše Mesia. O be a le Mesia yola. O tsebile O be a le. O tsebile maemo a Gagwe. O tsebile se A rometšwego go se dira. O tsebile gore Tate o Mo tsebišitše go ba Mesia, go modumedi. Gomme ge A kopane le modumedi yola ka tumelo, O nno bolela Lentšu. Bodiabolo ba šwalalane. Ee, mohlomphegi. “Bolela! O se ke wa lla. Bolela!” Amene.

²⁸² Gomme O tsebile ditokelo difiwa ke Modimo tša Gagwe, eupša ga re tsebe. O tsebile se A bego a le sona. Ga re dire.

²⁸³ Moshe o be a lebetše. Simsone o kwešišitše. Ba bangwe ba kwešišitše. Joshua o kwešišitše. Moshe o lebetše. Modimo o ile a swanela go biletša šedi ya gagwe go yona. O rile, “Gobaneng o Ntelela? Ke go rometše go dira mošomo. Bolela, gomme o ye pele go maikešetšo a gago. Ke go boditše le tla tla thabeng ye. Tšea bona bana gomme ba etepele. E no bolela. Ga Ke kgathale se se lego ka tseleng ya gago, se tloše tseleng. Ke go fa maatlataolo go se dira. Ke boletše... O boletše dintšhi le matsetse, le tlholo, le dilo boka tše. Bjale o Nkgoeletša ka eng? Gobaneng o etla go Nna, o goeletša dilo tše? E no bolela gomme o e bogele e sepela, ke phetho.” Oo, nna! Oo, ke e rata bjang!

²⁸⁴ Fa, Jesu, se sengwe le se sengwe seo A se boletšego, O nno bolela Lentšu, gomme go bile bjalo. Modimo ka tshwanelo o Mo hlatseditše go ba Morwa wa Gagwe. “Yo ke Morwa moratwa wa Ka Yo Ke kgahlwago ke yena. Lena ekwang Yena.”

²⁸⁵ Šetšang Yena. Ke rata se. Kafao ka bogale, ka fao A emego pele ga baswaswalatši ba Gagwe ka segosi. Amene. O rile, “Senyang tempele ye, gomme Ke tla rapela Tate le go bona se A se dirago ka yona”? “Senyang tempele ye, gomme Ke tla e tsoša gape, ka matšatši a mararo.” E sego, “Ke holofela go dira; Ke ya gó leka go dira.” “Ke tla e dira!” Gobaneng? Lengwalo le boletše bjalo.

²⁸⁶ Lengwalo la go swana le rilego O tla tsoša mmele wa Gagwe, le re fa maatlataolo, Maatla. Amene! “Leineng la Ka ba tla lelekela bodiabolo ntle, ba tla bolela ka maleme a maswa; ge ba ka swara disephente, goba ba nwa dilo tše di bolayago, di ka se ba gobatše; ge ba bea diatla tša bona godimo ga balwetši, ba tla welwa ke maruru.”

“Gobaneng o Ntelela? Bolela, gomme o ye pele.” Oo, ka bogale Ke... .

“Senyang tempele ye, Ke tla e tsoša gape.” Oo!

²⁸⁷ Gomme elelwang bjale (Re a tswalela.), e be e le Yena wa go swana. E bile Yena yoo a rilego, ka go Johane 14:12, mo . . . “Yo a dumelago go Nna, mediro yeo Ke e dirago o tla e dira le yena.” A yeo ke nnete? E bile Yena yoo a boletšego bjalo.

²⁸⁸ E be e le Jesu, ka go Mareka 11:24, yo a rilego, “Ge o re go thaba ye,” e sego, “Ge o rapelela thaba ye.” “Ge o re go thaba ye, ‘Šuthišwa,’ gomme o sa kamake ka pelong ya gago, eupša wa dumela gore se o se boletšego se tla phethega, o ka ba le se o se boletšego.” Bjale lena, ge le re e no ba go tšea o ka re, e ka se direge. Eupša ge se sengwe ka go wena, seo ke wena—wena o tloditšwe bakeng sa mošomo, gomme o tla tseba gore ke thato ya Modimo go e dira, gomme o tla e bolela, e swanetše go direga. “Ge o . . .”

²⁸⁹ E bile Yena yoo a boletšego se. “Ge le dula ka go Nna, gomme Mantšu a Ka a dula ka go lena, kgopelang se le se ratago gomme le tla se direlwa.” Oo, nna! Oo, nna! Le bona se ke se rago?

²⁹⁰ Swarelang se, eupša se no tla godimo ka go nna. Ke swanetše go se bolela. E bile Yena yoo a rilego, letšatšing lela godimo fale, ka gare ga dikgwa tšela, “Ga o na phoofolo.” Gomme O hlotše dihlorana tše tharo di eme fale pele ga ren. Ke eng? Go no bolela lentšu, go re, “Di tla ba *fale*, le *fale*, le *fale*,” gomme di be di le fale. E bile Yena yo a dirilego seo.

²⁹¹ Charlie, Rodney, E be e le Yena tlase kua ka Kentucky; le Nellie, Margie, le ka moka ga lena. E be e le Yena, Modimo yola wa go swana yoo a bego a le morago fale gomme o boletše le Moshe, o rile, “Gobaneng o Ntelela? Bolela lentšu!” E bile Yena yoo a di tlišitšego go beng gona. Ke Yena. Ke Yena. Oo, nna!

²⁹² E bile Yena yoo a filego pono e ka ba ngwaga wa go feta, yeo e rilego re tla ya godimo fale, gomme Mahuto a Šupago a, le ka fao go tla bago mo—mo—mo—mo modumo wo mogolo woo o tla e thomago, gomme ba tla ba ka sebopego sa phiramiti. Gomme fale ya *Look kgat- . . . kgatišobaka* ya *Life* e e rwele, e lekeletše lebotong ka kua. E be e le Yena a boletšego seo.

²⁹³ E be e le Yena, bošegong bjola ge ke be ke eya go theoga tsela yela gomme ke bone noga yela ye kgolo ya mokopa e le kgauswi le go hwetša ngwanešu. Gomme O rile, “O file . . . o filwe Maatla go mo tlema, goba e ka ba efe ya ka moka ga tšona.” E bile Yena yoo a boletšego seo.

²⁹⁴ Go mosadimogatša wa ka yo monnyane wa hlogo ye pududu a dutšego morago fale: E bile Yena mosong wola, yo a ntsošitšego ka kua kamoreng, le go ema khoneng, o rile, “O se boife go dira e ka ba eng, goba go ya e ka ba kae, goba go bolela e ka ba eng, ka gore Bogona bja Jesu Kriste bja go se tsoge bja palelwa bo na le wena kae kapa kae o yago.”

²⁹⁵ E bile Yena godimo mošola ka Sabino Canyon, e ka ba dikgwedi tše tharo tša go feta, ge ke be ke rapela, ke makala gore

go be go eya go direga eng. Ke be ke eme fale, gomme tšoša e rothetše ka seatleng sa ka, gomme le rile, “Ye ke Tšoša ya Kgoši.” E bile Yena.

²⁹⁶ E bile Yena yoo a rilego go nna, “Bjalo ka ge Ke bile le Moshe, kafao Ke tla go romā.”

²⁹⁷ E bile Yena yoo a rilego go nna, mengwaga ye masometharo ya go feta, tlase nokeng mošola, bjalo ka mošemane yo monnyane. Ke eme fale bjalo ka moreri yo monnyane, mo nokeng, mengwaga ye masometharo ya go feta, ke eme fale ge Seetša sela, Pilara ya Mollo ya go swana, e theogile go tšwa magodimong gomme e eme fale, gomme e rile, “Bjalo ka ge Ke rometše Johane Mokolobetsi go bulela go tla ga pele ga Kriste madibogo, Molaetša wa gago o tla bulela go Tla la Bobedi madibogo,” go lefase lohle. Go be go tla kgonega bjang, ge modiša wa ka mong a segile le go dira metlae ka yona? Eupsa e diregile feela tlwa ka tsela yeo. E bile Yena yoo a e boletšego. Ee, mohlomphegi!

²⁹⁸ Oo, ka fao e bileyo Yena yoo a boletšego ka seprofeto, go pono, “Go tla direga.” E bile Yena yoo a rilego, “Ge yo mongwe magareng ga lena a profeta, goba a bona pono, gomme a e bolela, gomme ya phethagala, gona elelwang ga se yena, ke Nna. Ke na le yena.” Oo, nna! Nka ya pele eng, le go re ke Yena, ke Yena, ke Yena!

²⁹⁹ Ke Yena yoo a fologilego, ge ke ba boditše gore Pilara ya Mollo e be e le tlase fale mo nokeng, gomme ga se ba kgone go e dumela. E be e le Yena tlase kua magareng, ge moreri yola wa Baptist, pele ga batho ba dikete tše masometharo bošegong bjola, ka go Sam Houston Coliseum, ge Morongwa yola wa Morena a bile le seswantšho sa Gagwe se tšerwe, a eme kua. E be e le Yena, wa go swana maabane, lehono, le go ya go ile.

³⁰⁰ E bile Yena yoo a boleletšegopele moo dilo tše go ba. E bile Yena yoo a boletšego se. E bile Yena yoo a dirilego dilo tše. O a swana maabane, lehono, le go ya go ile. O dirile se sengwe le se sengwe feela tlwa boka A boletše O tla se dira. Amene.

³⁰¹ Gobaneng ke swanetše go leta? Modimo o hlatseditše Lentšu. Ke Therešo. A re tseneng leetong. A re sepeleng. A re yeng go mosepelo wa Morena, re beeleng thoko dipelaelo tšohle, dibe tšohle. Hlwekiša ntlo, e korope.

³⁰² Bjalo ka ge pono ya Junior Jackson e boletše, go be go se selo se šetšego eupša mabone; goba toro ya gagwe, ge eba o dutše mo. Ga go selo se šetšego eupša mabone, gomme a be a na le maralana a gauta go a dikologa, ka torong ye a mphilego bošego bjo bongwe. Oo, nna!

³⁰³ Ngwanešu Collins, se tshwenyege ka hlapi yela. E be e le ye tšhwēu. O be o no se tsebe mokgwa wa go e swara.

³⁰⁴ Beela thoko se sengwe le se sengwe gape kgahlanong le Lona. Elelwang, ye ke Therešo, go sa kgathale ka fao Le bonalago

bohlanya, le se sengwe le se sengwe gape, dinako tše dingwe. Sepelela thwi pele le Lona. Ke Moya wo Mokgethwa. Modimo wa go swana yoo a tsošitšego Jesu Kriste go tšwa bahung, Yena wa go swana yoo a ka bolelago dilo go beng gona, Yena wa go swana yo a phetšego ka matšatšing a Moshe, o a swana lehono.

³⁰⁵ Pitšo ya Gagwe ka go letšatši le la mafelelo, O hlatseditšwe. “Bjalo ka ge go bile ka matšatšing a Sodoma, go tla ba bjalo ka go tleng ga Morwa wa motho.” O dirile . . . Go na le Sodoma tlase kua. Go na le Billy Graham le Oral Roberts ntle kua. Gomme Kereke e ya pele, ka maswao a go swana ao A a tshepišitšego, bobedi mafelo, gomme šebao fao. Ke Yena yoo a e boletšego.

³⁰⁶ O Morena, mphe tlhohleletšo, ke thapelo ya ka. Nthuše, O Morena Modimo.

Ke swanetše go tloga mo. Go ba thari.

³⁰⁷ “Gobaneng le llela go Nna? Gobaneng le Ntelela, ge Ke netefaditše go ba le lena? A Nna ga se ka fodiša balwetši ba lena,” O tla bolela. “A Nna ga se ka le botša dilo tše di diregilego feela tlwa? Modiša wa lena a ka se kgone go dira seo. Nna! A ka se kgone; ke motho. Ke Nna, Morena,” seo O be a tla se bolela. “Ke nna Yena yoo a dirilego se. Ke nna Yena yoo a mmotšago dilo tše go bolela. Ga se yena. Ke Segalontšu sa Ka. Ke nna Yena yoo a tsošitšego bahu ba lena ge ba theogela tlase. Ke nna Yena yoo a fodišago balwetši. Ke nna Yena yoo a bolelagopele dilo tše. Ke nna Yena yoo a dirago go phološa. Ke nna Yena yoo a filego tshepišo.”

³⁰⁸ Modimo, mphe tlhohleletšo go tše Tšoša yela ya Lentšu yeo A e beilego ka seatleng sa ka e ka ba mengwaga ye masometharo tharo ya go feta, le go E swara le go matšhetša pele go Kgogedi ya Boraro, ke thapelo ya ka.

A re inamišeng dihlogo tša rena.

³⁰⁹ Tate wa Legodimong, iri e ba thari, eupša Lentšu le ba bohlokwa. Bjalo ka ge re le bona, Morena, nako ka morago ga nako, Bogona bja Kriste bja go se tsoge bja palelwa ka mehla bo kopana le rena. Ke Go leboga bjang bakeng sa botho bja Gago! Ka fao O re bolokilego le go ba . . . le go re šegofatša, ka fao re Go lebogago bakeng sa yona!

³¹⁰ Bjalo ka ge ke swere disakatuku tše ka seatleng sa ka, Morena, ke batho ba ba nago le tumelo, ba ba dumelago Le. A nke diabolo yo mongwe le yo mongwe, bolwetši bjo bongwe le bjo bongwe bo tluge go bona batho. Gomme ke laela moyo wo mongwe le wo mongwe ka fa, woo o tšhilafetšego, gomme e sego wa Modimo, moyo wo mongwe le wo mongwe wa bolwetši, malwetši ohle le ditlaišego. Ga re patlame mo moriting wa motho, wo o tla bago gabotse, eupša re ka go moriti wa Ebangedi, Ebangedi ye e hlatseditšwego.

³¹¹ Bjalo ka ge Pilara ye kgolo ya Mollo e sepelela morago le pele go kgabola moago wo, Yona ya go swana ye Modimo a lebeletšego tlase go e kgabola, gomme Lewatle le Lehubedu la neela tsela ya lona, gomme Israele ya feta go kgabola. Eupša bjale ge A lebelela, efafaditšwe ka Madi a Morwa wa Gagwe Mong, ka kgaogelo le mogau. A nke re be ba go obamela. A nke rena lehono re tlogele go bolela, go lla. A nke re lemoge gore O re biditše bakeng sa mošomo wo. Ye ke iri. Ke e bolela Leineng la Jesu Kriste, a nke bolwetši bjo bongwe le bjo bongwe bo tlogelelefelong le.

³¹² A nke monna le mosadi yo mongwe le yo mongwe, yo a bitšago Leina la Jesu Kriste, ba gafela bophelo bja bona ka boswa lehono. Ke gafela bja ka, Morena, godimo ga aletara ya thapelo. Ke ipea fase nnamong, le go ba dihlong nnamong le go retollela hlogo ya ka go leba mobung moo O ntšerego. Morena Modimo, ke lewa ke hlong ka bofokodi bja ka le gosedumele ga ka. Bo swarele, Morena. Mphe tlhohleletšo. Re fe tlhohleletšo bohle.

³¹³ Ke ikwela, boka Moshe, bohle re tseleng ya rena go tšwa. Ga re nyake go tlogela o tee. Re nyaka go tšea yo mongwe le yo mongwe, Morena. Ke ba Gago. Ke ba tteleimela Wena. Šegofatša batho ba lehono, Morena. È fe. Gomme ntšhegofatše, le bona, Tate, gomme Leina la Gago le tla tumišwa. Letago la Gago e tla ba la Gago. Re fe tumelo ye ya Gosafelego, Morena, ge re ikgafela renabeng go Wena bjale.

³¹⁴ Nna, godimo ga Beibele ye le godimo ga boemo bjo, ke Go fa bophelo bja ka, Morena. Ke ithekgile go tshepišo ye nngwe le ye nngwe yeo O e fago. Ke a tseba di tla tiišetšwa. Ke a tseba ke Therešo. Mphe tlhohleletšo go bolela Mantšu a. Mphe tlhohleletšo, Morena. Ntšhupetše ka go se ke tla se dirago le go se bolela. Ke neela nnamong go Wena, le kereke ye, mmogo le yona, Morena, Leineng la Jesu Kriste. Amene.

Tumelo ya ka . . . godimo go Wena,
 Wena Kwana ya Khalibari,
 Mopholoshi Mokgethwua;
 Bjale nkwe ge ke rapela,
 Tšea tšohle dibe tša ka,
 O ntumelele go tloga letšatši le
 Go ba wa Gago ka moka!

³¹⁵ Bjale a re emeng, ka go homola ka kgonthe, ge re e hama.

. . . go Wena,
 Wena Kwana . . .

A re nong go phagamišetša diatla tša rena go Yena bjale.

O Mopholoshi . . .

Ikgafeleng lenabeng go Modimo bjale.

Bjale nkwe ge ke rapela,
 Tloša dipelaelo tša ka tšohle,
 O ntumelele go tloga letšatši le
 Go ba wa Gago ka moka!

³¹⁶ Bjale mmogo, ka diatla tša rena godimo: [Phuthego e bušeletša thapelo ye, morago ga Ngwanešu Branham—Mor.] “Morena Jesu, bjale ke ikgafela ka bona go Wena, bophelo bja tirelo, bja go seka kudu, tumelo ye ntši, ke a lla, gore ke be mohlanka yo a amogelegago kudu ka bophelong bja ka bjo bo tloga, go feta ka fao ke bilego ka bophelong bjo bo fetilego. Swarela gosedumele ga ka, gomme bušetša go rena Tumelo yeo e kilego ya fiwa bakgethwa. Ke neela bona go Wena, Leineng la Jesu Kriste.”

³¹⁷ Bjale ge re inamiša dihlogo tša rena.

Ge ke gata tsela leswiswi ya bophelo,
 Gomme manyami go ntikologa a alega,
 Wena eba Mohlahli wa ka;
 Laela leswiswi go fetoga letšatši,
 Hlatswa go tloša dipoiifo tšohle tša ka,
 Goba o se tsoge wa ntumelela go hlahlatha
 Go tloga go Wena go ya thoko.

³¹⁸ Ge re inamiša dihlogo tša rena bjale. O ikwela gore molaetša wa mosong o go dirile gabotse? O go fa tlhohleletšo? Ge o ka dira, e no emišetša diatla tša gago go Modimo, o re, “Modimo, ke a Go leboga.” Ke na le bobedi diatla tša ka godimo, ka gore ke no ikwela gore o—o nthušitše. O mphile tlhohleletšo.

³¹⁹ Dilo tše dingwe ke di boletšego, ke be ke sa nagane ke be ke eya go e bolela, eupša e šetše e boletšwe. E be e le kgalemo go nna. Ke ikhweditše nnamong e sego ka tsela ye ke nagannego ke dirile, eupša ke ikhweditše nnamong ke ne molato wa go lla nako yohle, sebakeng sa go bolela.

³²⁰ Modimo, nthuše, go tloga iring ye go ya pele, gore ke tla ba mohlanka yo a gafetšwego kudu.

³²¹ Ga ke ithapelele ke nnoši. Ke a le rapediša, le lena, gore, mmogo, bjalo ka Mmele wa Kriste, o biditšwego go tšwa lefaseng, go ba komana bakeng sa Naga ya tshepišo, gore Modimo o tla mpha tlhohleletšo go bolela tsela, go dira tsela go hlaka gore le se foše mohlala. Ke tla le botša, ka mogau wa Modimo, ke tla latela dikgato tša maoto tša Madi tša Gagwe Yo a ilego pele pele ga rena.

Gomme sefapano se sa boineelo ke tla se rwala,
 Go fihlela lehu le tla ntokolla,
 Gomme ka gona ka ya Gae go rwala
 mphaphahlogo,
 Go na le mphaphahlogo wa ka.

³²² Re neela bjo go Wena, Tate, boikgafo bja rena, Leineng la Jesu Kriste, Morwa wa Gago. Amene.

³²³ [Ngwanešu o thoma go bolela ka maleme. Lefelo la go se be le selo godimo ga theipi—Mor.] Re leboga Morena bakeng sa se. Sepela bophelo bjo bo gafetšwego. Ineele wenamong godimo, go bobose, boikokobetšo. Sepela ka Moya. Sepela, bolela, apara, itshware boka Bakriste, go kokobela le bose. O se dumelele se go šitwa bjale. Segalontšu sa Modimo se bolela ka Lentšu, se bolela ka dimpho. Ge mpho e tee e etla, ye nngwe e a e hlagiša, mpho ye nngwe e a tla le go hlagiša selo sa go swana. Le a bona, yeo ka kgonth e lokile le Lentšu le thwi le iri. Modimo o ne rena. Re Mo leboga bjang bakeng sa yona!

³²⁴ Bjale ge tša rena, ka dihlogo tša rena di inamišitšwe, ge kgaetšedi wa rena a ka re fa khote:

Tšeа Leina la Jesu le wena,
 Bjalo ka Kotse go tšwa molabeng wo mongwe
 le wo mongwe;
 Gomme ge meleko go go dikologa e kgobokana,
 E no hema Leina le Lekgethwa leo ka thapelo.

³²⁵ Nno—nno dira seo, bolela Lentšu, bolela Leina la Gagwe. A re opeleng bjale ge re—ge re phatlatlatšwa.

Tšeа Leina la Jesu le wena,
 Bjalo ka Kotse . . . le madimabe;
 Le tla go fa thabo le khomotšo,
 Oo, Le tsee gohle mo o yago.

Leina le bohlokwa . . .

³²⁶ Bjale a re šišinyaneng diatla seng, gomme re re, “Ke tla go rapediša, ngwanešu, gomme o nthapediše.”

. . . Legodimo;
 Leina le bohlokwa, (Leina le bohlokwa!) O
 bose bjang!
 Kholofelo ya lefase le thabo . . .

³²⁷ Bjale ka dihlogo tša rena di inamišitšwe, a re opeleng temana ye ya go latela:

Tšeа Leina la Jesu le wena,
 Bjalo ka Kotse go tšwa molabeng wo mongwe
 le wo mongwe;
 Ge meleko go go dikologa e kgobokana,
 Hema Leina le Lekgethwa leo ka thapelo.
 Leina le bohlokwa, (Leina le bohlokwa!) O
 bose bjang! (O bose bjang!)
 Kholofelo ya lefase le thabo ya Legodimo;
 Leina le bohlokwa, O bose bjang!
 Kholofelo ya lefase le thabo ya Legodimo.

³²⁸ Ka dihlogo tša rena di inamišitšwe bjale, le dipelo tša rena le yona, le temogo gore Jesu o rile, “Yo a kwago Mantšu a Ka gomme a dumela Yo a Nthomilego, o na le Bophelo bjo bosafelego gomme a ka se tle godimo ka Kahlolong, eupša o fetile go tloga lehung go ya Bophelong.” Go tsebeng gore rena, ka mogau wa Modimo, re beng ba seo ka difarong tša rena; ka boikgafo go Yena mosong wo, gore maphelo a rena a tla fetoga, go tloga letšatši le go ya pele, gore re tla ba phosithifi kudu ka monaganong wa rena. Re tla leka go phela ka go bobose bjo bo bjalo le boikokobetšo, gore, go dumela gore se re se kgopelago Modimo, Modimo o tla se fa mongwe go yo mongwe. Gomme re ka se bolele bobe kgahlanong le rena seng, goba e sego motho. Re tla rapelela manaba a rena le go ba rata, go dira botse go bona bao ba dirago gampe go rena. Modimo ke Moahlodi wa yo a lokilego le yo a fošagetšego. Ka . . .

³²⁹ Godimo ga motheo wa se, gomme dihlogo tša rena di inamišitšwe, ke ya go kgopela mogwera wa rena wa go loka, Ngwanešu Lee Vayle, ge a ka phatlalatša batheeletši ka lentšu la thapelo. Ngwanešu Vayle.



O LLELANG? BOLELA! NST63-0714M
(Why Cry? Speak!)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Julae 14, 1963, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org